


7 - 54.

877/77
0-79
9

ՉԱԳԸՐ ԱՎՐԱՄ
ԿԱՄ
ԳՐԻԳՈՐԻՆ ՎՐԷԺԸ



ՇԵՆԻԱԿ՝ ԵՐՈՒԱՆԴ ՕՏԵԱՆ



ՀՐԱՏԱՐԱԿԻՑ
ՄԻՔԱՅԵԼ ՏԷՐ.ՍՕ.ՀԱԿԵԱՆ
ՏՊԱԳՐՈՒԹԻՒՆ
Կ. ՄԱԳԱՍՏԵԱՆ ԵՐ ԸՆԿ.

891.99
0 - 79

ՈՂ-ՅԻ

ՏՅԻ. 39

20.06.09

104 OCT 2010

0-79

ԵՐՈՒԱՆԴ ՕՏԵԱՆ

13 APR 2011

Printed in Turkey

ՉԱՔԸՐ ԱՎՐԱՄ

Կ Ա Մ

ԳՐԻԳՈՐԻՆ ՎՐԷԺԸ



ՀՐԱՏԱՐԱԿԻԶ

ՄԻՐՈՍՅԷԼ, ՏԷՐ.ՍՍ.ՀՍ.ԿԵԱՆ



1920

ՏՊԱԳՐ. ԿԻՐՈՒՆՊԵՐԷ
Կ. ՊՕԼԻՍ



03 SEP 2013

61437

Printed in Turkey



ՉԱԳՐՐ ԱՎՐԱՍ

ՉԱԳՐՐ ԱՎՐԱՍ

ԿԱՍ

ԳՐԻԳՈՐԻՆ ՎՐԷԺԸ

Ա.

Իբրէ, քարափին մօտ, սրճարանի մը մէջ, անկիւն մը քաշուած, փախստական երկու հայ երիտասարդ կը խօսակցէին: Երկուքն ալ Պոլսեցի էին, մէկը Սասգեղէն և միւսը Սամաթիայէն: Սասգեղցին, քանըհինգ տարեկան, հասակաւոր, կայտառ, կարմիր այտերով երիտասարդ մըն էր, որուն խոշոր ու սև աչքերը բարի, միամիտ դէմք մը կուտային իրեն: Միւսը, ընդհակառակը, տոգոյն ու նիհար, հիւանդոտ պատանի մը կ'երեւար, հազիւ 20 տարեկան: Պոլսէն միեւնոյն շոգենաւով փախած էին և շոգենաւին մէջ ծանօթացած իրարու:

Սասգեղցին իր հօրը և եղբօրը հետ չուկան ոսկերիչ էր ու բարեկեցիկ վիճակի մը տէր: Պանքային ծօյցին իրիկունը կրցեր էր ինքզինքը շոգենաւ մը նետել և ապաստանել Քատըր զիւղ աղզականի մը տունը: Երկու օր ետքը հոն եկած գտած էին զինքը իր մայրն ու քոյրը ու պատմած այն ստակալի եղեւնը որ տեղի ունեցեր էր: Տուներնին թալլաւած ու աւերակ դարձած էր բոլորովին և հայրն ու եղբայրը սպաննուած:



4870-2010

— Ախ, այդ Ավրամը, Աստուծոյ գտնայ... կը գոչէր մայրը անընդհատ, գլուխն ու ծունկերը ծեծելով:

Ավրամ իրենց հրեայ դրացին էր, ջարդի միջոցին փոխանակ եկեղեցի երթալու, անոր տունը պատահանած էին, իրենց գրասն ու գոհարեղէնները հետերնին առած, յուսալով որ աւելի ապահով պիտի ըլլան հոն: Բայց երբ Թուրքերը եկած էին տուները կոխելու, Ավրամ պատուհանէն ցոյց տուած էր խուժանին անոնց բնակարանը, և յետոյ լանկարծ կռիւ մը հանելով Խազիւղցի երիտասարդին հօրն ու եղբորը հետ՝ դուրս նետած էր զիրենք, ուր փողոցին մէջ բրահար սպաննուած էին:

Ոսկերիչը չորս հարիւր ոսկիի մօտ գումար մը և իր կնոջ ու աղջկան գոհարեղէններն ու արծաթեայ սպասներ հետն առած և յանձնած էր Ավրամին որպէսզի տանը մէջ ապահով տեղ մը պահէ զանոնք: Ի զո՛ւր, ընտանիքը քանի մը օր ետքը կը պահանջեն իրենց իրեղէնները, Ավրամ բացարձակապէս կ'ուրանայ յանձնուած աւանդը և կը սպաննայ դատ բանալ, ըսելով թէ իր պատիւը կ'արատաւորեն:

Երիտասարդը յանկարծ իրենց տան վրայ պայթած այդ անոնի աղէտքէն սասանած, ինքզինքը դուրս նետած էր Պոլսէն, մայրն ու քոյրը իրենց ազգականին տունը թողլով: Հիմա Բիրէի կամ Աթէնքի մէջ կը ջանար արհեստը ի դործ դնել ապրուստ ձարելու համար: Սամաթիացին, ինչպէս ըսի, զեռ պատանի ին էր, զպրօցէն գեռ նոր ելած, վաճառականի մը քով գրագրութեան սկսած: Զարդը հարուած մը չէր կրցած տալ իրեն, որովհետեւ սրբ մնացած էր արդէն պղտիկուց, առանց ազգականի, միայնակ աշխարհի մէջ, և քահանայի մը պաշտպանութեամբ մեծցած: Քահանան տառ-

ներկու տարի շահագործած էր զինքը, իր որսութիւնը գանձանակի մը պէս պարտցնելով թաղին մէջ ու դրամ հաւաքելով: Գործի եղած օրն ալ պարտամուրհակ մը ստորագրել տուած էր անոր՝ որպէսզի մաս առ մաս վճարել տոյ իրեն տասերկու տարուան մէջ ըրած ծախքերը:

Ցաւ մը միայն ունէր Գարեգին, Սամաթիացի պատանին. ցաւ մը զոր կ'արտայայտէր անզուսպ ու սրտաբուխ հառաչանքով մը, ամէն անգամ որ ջարդին խօսքը բացուէր:

— Ախ, սա ի՞մ տէրտէրս, անիծեալ Տէր Սարգիսն ալ ջարդելու չէի՞ն...:

*

— Ի՞նչ լուր Պոլսէն, հարցուց Գարեգին վայրկեանէ մը ի վեր արթած լուսթիւնը խզելով:

— Աղէկ բան մը չի կայ, այսօր նորէն նամակ առի մերիններէն, պատասխանեց Արշակ, Խազեղցի երիտասարդը, շատ մը զէշ լուրեր: Օ՛ֆ, ա՛լ կը յուսահատում կոր:

Յետոյ յանկարծ կռուփը սեղանին դաբկաւ ու կատաղի ձայնով մը պոռաց.

— Շունչանորդի մարդ... Աստուծոյ գտնաս:

— Ի՞նչ կայ, նորէն Ավրամին վրայ է խնդիրը, հարցուց Գարեգին:

— Ա՛՛ո կարդա՛ նամակը:

Ու Արշակ իր բարեկամին տոսաւ քրոջը իրեն ուղղած նամակը:

Պատանին սկսաւ կարդալ բարձրաձայն.

«Սիրելի՛ եղբայրս, մեր վիճակը ա՛լ բոլորովին ան-

տանելի եղաւ, չեմ գիտեր ո՞ւր պիտի երթայ վերջերսիս: Խառնեղի տունը աւերակ դարձեր, ո՛չ դուռ ձգեր են, ո՛չ պատուհան, իսկ կարասիներէն բան մը չէ՞ մընացած, սեփերն տախտակները անգամ քակեր տարեր են, նոյնիսկ հողին մէջ թաղուած ջուրին փռքը մէջտեղ չի կայ:

Միայն տան նորոգութեան և քիչ մը կահ կտրասի շտկելու համար առնուազն քառասուն ոսկի պէտք է ու գիտե՞ս որ ստակ մը չի կայ խեղճ մօրս քով: Ավրամէն գոնէ քիչ մը բան փրցնելու համար ամէն աղաչանք ու պաղատանք անօգուտ եղաւ: Հինգ օր առաջ Մարտիկ ազան նորէն գնաց զինքը տեսնելու և ըսելու համար որ գոհարեղէններէն ու արծաթեղէններէն վազ անցանք, գոնէ թող 40 ոսկի տայ և խնդիրը լինցնենք: Պարզապէս մարդը տունէն վռնտեր էին: Սոսկալի բաներ իմացանք իր վրայ: Մեր ամբողջ կահ կարասիները ինք ոչինչ գինով ծախու առեր է տաճիկներէն, ասկէ զատ ջուր ատուղներուն հազուատներն ալ ամենքը իրեն բերեր են ծախելու համար: Մալոնաններ լեցուցեր է գեղին կողոպուտներէն ու տարեր ծախեր է: Երկու շաբթուան մէջ, քանի մը հաղար ոսկի շահեր է՝ կ'ըսեն կոր: Երէկ ալ լուր առինք որ Պոլսէն ձգեր փախեր է, սորվհեաւ տաճիկները ստակ կը պահանջեն կոր եղեր իրմէ և սպաննացեր են ձեռքէն ամենիւ իր կողոպուտար: Աստուծմէ գտնայ շունը: Ընտանիքը գեռ հոս է եղեր, բայց ան ալ քանի մը օրէն պիտի երթայ: Ինչպէս կը տեսնաս, ա՛լ այդ կողմէն բոլորովին յօսերնիս կտրելու ենք, անօրէն մարդը թէ՛ հօրերնուս և թէ՛ եղբորնուս մահուանը պատճառ եղաւ, և թէ՛ մեզի օտանկ կողոպտեց ու աւուր հացի կարօտ ձգեց: Աստուած ինք որդորմի մեզի:»

Երբ նամակին ընթերցումը աւարտեցաւ, Արշակին աչքերը լեցուած էին: Իրենց վիճակին ամբողջ անդարմանելի դառնութիւնը կ'երեւար աչքին. — ընտանիքին կործանումը, ջնջումը, և անդօր համակերպութեամբ կը կրկնէր կամաց կամաց, ինքնիրեն խօսելու պէս.

— Աստուծմէ գտնա՛յ, Աստուծմէ գտնա՛յ...

Գարեգին նոյնպէս յուզուած էր այդ անլուր հրէշութիւններու պատմութենէն, զոր արդէն քանի մը անգամ լսած էր իր բարեկամին բերնէն: Աչքերը կը վառէին, ու նիհար այտերը կաս կարմիր կտրած էին:

— Ա՛խ, ձեռքս տային այդ գազանը... ա՛խ, մէյ մը ձեռքս իյնար:

Նորէն լուռութիւնը արեւոյ երկու խօսակիցներուն վրայ, ծանր, ճնշող լուռութիւն մը որ կը ճզմէր զիրենք:

— Դուրս ելլանք քիչ մը, ուձարկեց Գարեգին ոտքի ելլելով:

Դուրսը, քարափին վրայ ու նաւահանգիստին մէջ իրարանցում մը կը տիրէր:

— Կ'երեւայ որ շոգենաւ մը կուգայ կոր, ըսաւ Գարեգին:

Եւ իրաւ ալ հեռուէն աւստրիական շոգենաւի մը ցուրկը կ'երեւար:

— Պոլսէն եկող շոգենաւն է, որ հոսկէ անցնելով Թրիէսթէ կ'երթայ, պատասխանեց Արշակ:

— Ծովկերքը տեղ մը նստինք ճամբորդները դիտելու համար:

Ու տեղաւորուեցան քարափին վրայ սրճարան մը: Շոգենաւը քանի մը վայրկեանէն մտաւ նաւահանգիստ ու հարիւրաւոր նաւակներ պաշարեցին զայն:

Կէս ժամ ետքը ճամբորդները դուրս կ'ելլէին նաւակներով: Արշակ որ անուշադիր կը գիտէր նաւակներ-

րուն երթուղարձը, յանկարծ աղաղակ մը արձակեց.

— Ավրամ' մը... Ավրամ' մը կուգայ կտր:

Ու այլայլած, գունաթափ, նաւակին կը նայէր որ դէպ ի իրենց կուգար:

Գարեգին մէկէն օտքի ելաւ, Արշակին թեւէն բռնեց, ու կտրուկ, հրամայական ձայնով մը ըսաւ բարեկամին.

— Գնա՛ պահուըտէ սրճարանին մէջ. շո՛ւտ, չըլլայ որ Ավրամը քեզ հոս տեսնայ:

Արշակ անմիջապէս մտաւ սրճարան, առանց հասկընալու թէ ի՞նչու իր բարեկամը այդպէս կ'ուզէր զինքը ծածկել:

— Մինչեւ որ չի գամ փնտռելու, տեղէդ չշարժիս, հրամայեց Գարեգին:

Ավրամը բերող նաւակը մօտեցած էր քարափին ու Հրեան կը պատրաստուէր դուրս ելլել: Գարեգին ծովեզերքը կեցած, անտարբեր երևույթով մը կը դիտէր զանիկա: Վաթսուն տարեկանի մօտ ծերունի մըն էր. ճերմակ, պատկառելի մօրուքով: Երկար մուշտակ մը հագած էր ու վիզը շալ մը փաթթած: Ոտքը քարափին վրայ դնելէն ու բեռները դուրս հանել տալէն ետքը, նաւավարին ֆրանք մը տուաւ իրը վարձք:

— Երկու ֆրանք, գոչեց նաւավարը, ստակը ետ դարձնելով և երկու մատները ցոյց տալով:

Ավրամ զլիկ ժխտական շարժումով մը նորէն մէկ ֆրանքը նետեց նաւակին մէջ: Բայց նաւավարը լեզու չդիտցող օտարական մը կողոպտելու առիթէն օգուտ քաղել ուզելով. ստակը վերադարցուց Հրեային և սկսաւ յունարէն բարձրաձայն բողոքներ բռնալ, որոնց Ավրամ թուրքերէն կը պատասխանէր: Բանակաւորը վէճի մը յանգելու մօտ էր երբ Գարեգին միջամտեց և յու-

նարէն նաւավարին հասկցուց թէ մէկ ֆրանքէն աւելի պահանջելու իրաւունք չունի և թէ ոստիկանը շատ մօտ էր ինչիրը անոր ձեռքով կարգադրել տալու համար, յետոյ դարձաւ Ավրամին ու թուրքերէն լեզուով ըսաւ թէ տուածը բաւական էր: Ավրամ այս անակնկալ օգնութենէն քաջալերեալ, շնորհակալ եղաւ հոյ պատանիին, յետոյ, մէկէն, հարցուց կասկածոտ ձայնով մը.

— Հոս տեղացի՞ ես դուն:

— Ո՛չ, պոլսեցի եմ, պատասխանեց Գարեգին:

— Պոլսեցի՞... Հա՞, ես ուրեմն:

— Չէ՛, հայ չեմ, ըսաւ Գարեգին կրակոտ կերպով մը, իբր թէ նախատինք մը ընդունած ըլլար, յոյն եմ... Էյեկոս...

— Հա՛, շա՛տ աղէկ, շա՛տ աղէկ:

Ու տեսակցութիւնը շարունակուեցաւ: Ավրամ յայտնեց իր նոր ծանօթին թէ երկու շաբաթի չափ պիտի մնայ Բիրէ, սպասելով իր ընտանիքին, ու յետոյ անոնց հետ պիտի երթայ Եգիպտոս: Խնդրեց Գարեգինէն որ պանդոկ մը ցոյց տայ իրեն, և երկուքը, բեռները մարդու մը տալով ուղղուեցան կայարանին մօտ պանդոկ մը:

Կէս ժամ ետքը Գարեգին դարձաւ Արշակին մօտ որ միշտ սրճարանին ներսը կը սպասէր:

— Եկո՛ւր հիմակ առանձին տեղ մը երթանք խօսելու, գոչեց յաղթական, Խափեղցիին թեւը մտնելով:

— Ի՞նչ կայ, ի՞նչ եղաւ, հարցուց միւսը ապշուածեմ:

— Աղէ՛կ, ամէն բան կարգին է... ուղածիս պէս: Ավրամին հետ խօսեցայ, գրեթէ բարեկամացայ: Զինքը պանդոկ մը տարի, վաղն ալ ժամադիր եղանք, առտուն պիտի երթամ ու կերակուրը մէկտեղ պիտի ուտենք:

— Ի՞նչ, այդ շունին հետ բարեկամութի՞ւն կ'ընես, պատասխանեց Արշակ սրտմտած:

— Ետքը կը հասկնաս, ըսաւ Գարեգին ժպտելով, դուն ինձի մտիկ ըրէ...:

-- Եկած ատենը զիս ինչո՞ւ սրճարանը խօթեցիր:

— Որովհետեւ պէտք է որ քեզի հոս տեսնայ, կը հասկնաս...:

— Չէ՛, բան մը չեմ հասկնար:

— Որովհետեւ եթէ քեզ ինձի հետ տեսնայ, ինչ պիտի կատկածի...:

— Է՛... յետո՛յ:

— Յետոյ, հետո պիտի չմտերմանայ, ու վստահութիւնը պիտի չկրնամ գրաւել: Մինչդեռ անպատճառ պէտք է որ հետը բարեկամանամ, առանց որեւէ կասկած արթնցնելու մտքին մէջ:

Արշակ մտիկ կ'ընէր իր բարեկամը առանց հասկընալու: Գարեգին յէկէն Արշակին թեւը մտաւ և ցած, բնական, գրեթէ անոյ ձայնով մը ըսաւ.

— Այդ մարդը քու հայրդ ու մայրդ սպաննել տրւաւ, ձեր ունեցածը յափշտակեց, մայրդ ու քոյրդ թըշուառութեան մատնեց, հիմակ մեր ձեռքը ինկաւ, պիտի մեռցնենք զինքը...:

Սասգեղցին՝ սահմուկած՝ իր պատանի բարեկամին երեսը նայեցաւ:

— Այո՛, շարունակեց միւսը, հետը բարեկամութիւն պիտի հաստատեմ, վստահութիւնը պիտի դրաւեմ, առանձին տեղ մը պիտի տանիմ, դուն ալ պիտի գաս և հո՛ն պիտի մեռցնենք զինքը:

Գարեգին գրպանէն սիկառէթ մը հանեց ու սկսաւ ծխել, սպասելով որ Արշակ պատասխան մը տայ իր ըսածներուն, բայց անիկա տարօրինակ նայուածքով մը

կը նայէր իրեն, առանց բերանը բանալու, անորոշ վախ մը զգալով իր բարեկամին մտաւորական վիճակէն:

— Է՛... Ի՞նչ կ'ըսես այս որոշումիս, հարցուց պատանին անհամբերութեամբ:

— Իրաւցնէ՞ ատանկ բան մը կը մտածես կոր, թէ... կատակ կ'ընես կոր, պատասխանեց Արշակ վերջապէս:

— Կատա՞կ, գոչեց Գարեգին դայրացած. անիկա կատա՞կ ըրաւ հայրդ ու եղբայրդ մատնելով Տաճիկներուն ձեռքը, Տաճիկները կատա՞կ ըրին սոյխներուն տակ ջարդուկտոր ընելով զանոնք, կատակի՞ համար գողցաւ ձեր ստակը, ձեր գոհարեղէնները, ձեր ամէն ունեցածը, ու վաղը երբ քու մայրդ ու քոյրդ մորալու ըլլան կամ անօթի մեռնին Ավրամին երեսէն, կատա՞կ պիտի ըլլայ քեզի համար:

— Բայց ես մարդ չեմ մեռցուցած... չեմ կրնար... Աստուծմէ՛ գտնայ իր պատիժը:

— Ես անգամ մը, Սամաթիա, կտտողած շուն մը մեռցուցի, ու անգամ մըն ալ Փլորիա խոշոր օձ մը... շատ դիւրին է, քանի մը անգամ հաստ փայտով մը կ'իջեցնես, կը լիննայ:

— Չէ՛, չէ՛, չէ՛, գոչեց Արշակ, մի՛ ըսեր ատանկ բաներ, գոցէ ատ խօսքերը:

— Լա՛ւ, հասկցայ, պատասխանեց Գարեգին վըճռաբար, քենէ ինք չի կայ, բայց նորէն քեզի կ'ըսեմ, երկու շաբաթ մէջտեղ պիտի չելլես, իմացա՞ր: Տունդ նստէ՛, կամ, եթէ դուրս ելլես, Փաշա Լիմանիի կոսմերը գնա՛ պարէս, իսկ իմ քովս բնա՛ւ մի գար: Ե՛ս, առանձին, պիտի մեռցնեմ զինքը, և վա՛յ քեզի եթէ փորձես արգելք ըլլալ ասոր...:

Ու Գարեգին դաժան նայուածքով մը բաժնուեցաւ իր բարեկամէն:

Բ.

Արշակ քայլերը ուղղեց գէպի տուն, տակնուվրայ եղած իր բարեկամին խօսքերէն: Երբեք չէր կրնար հաւատալ թէ լրջօրէն խօսած էր Գարեգին. «Կ'երեւայ որ իս փորձելու համար ըսաւ այդ բաները» կը մտածէր: Եւ տեսակ մը սննապարծ գոհունակութիւն կը զգար թակարդին մէջ ինկած չըլլալուն համար: Բայց ինչո՞ւ այդ փորձը ընել ուզած էր, կատակի՞ համար միայն, և սակայն Գարեգինը, որուն հետ ամիսէ մը ի վեր գրեթէ ամէն ժամ միասին կ'ապրէր, հակառակ իր փոքր տարիքին՝ միշտ լուրջ ու խօնուն եղած էր: Երբեք կատակ մը չէր լսած անոր բերնէն, երբեք թեթեւութիւն մը չէր տեսած վրան: Ընդհակառակը միշտ մտածկոտ արխութեամբ մը ընկճուած էր ան, ու Արշակ իր նոր բարեկամին այս վիճակը վերագրած էր անոր վաղահաս սրբութեան և մանաւանդ ականատես եղած ջարդերուն ահռելի ապաւորութեանը:

—Ձե՛ր, կ'ըր շարունակէր մտածել Արշակ, այդ տղան բոլորովին կատակ չէր ըներ կոր, ատանկ կատակ չըլլար, մանաւանդ այս պարագաներուն մէջ: Ասկէ զատ, խօսած ասեմը ձայնին ու նայուածքին մէջ տարօնինակ բան մը կար որ դիտ խռովոց: Կ'երեւայ որ նամակին ընթերցումէն զուտը տաքցաւ, ու քիչ մը ետքն ալ Ավրամին անակնկալ գալուստը բոլորովին գրգռեց զինքը: Յանցանքը իմս էր սր նամակը կարգացի իրեն: Ինչ որ է, այս գիշեր կը քնանայ ու կը մոռնայ ամէն բան:

Ու Արշակ՝ քիչ մը հանդարտած՝ մտաւ իր տունը: Իրիկուան, երբ կերակուրի ատենը եկաւ, դուրս

եկաւ և իր սովորութեանը համեմատ ուղղուեցաւ քարափներուն վրայ գտնուող ճաշարան մը: Բայց հազիւ թէ քայլ մը առած էր, յիշեց Գարեգինին պատուէրը:

—Հիմա կ'երբոր իս տեսնայ՝ պիտի բարկանայ, մըտածեց, քանի որ ըսաւ թէ մէջտեղ չերեւամ:

Եւ պահ մը վարանեցաւ առաջ երթալու, բայց պզտիկ ջանքով մը յաղթեց իր վարանուսին և ինքզինքը քաջալերեց խորհելով. — «Ի՛նչ, այդ խլէզին խօսքովը պիտի շարժիմ, անիկա ի՛նչ կը խառնուի ինձի:»

Ու շարունակեց ճամբան: Քարափներուն մօտ հասած էր, երբ նօրէն կեցաւ:

—Ձե՛, ս.ւ.ելի լաւ է ետ դառնամ, կը խորհէր, Գարեգինին յուզմունքը դեռ չէ անցած անշուշտ, ու երբոր ինձի տեսնայ նօրէն պիտի բորբոքի պարապ տեղը: Քիչ մը ջղային մէկը կ'երեւայ կոր, հետը անուշ երթանք, մանաւանդ որ խեղճ տղուն զրգոտելուն պատճառը ես եղայ, անուղղակի կերպով:

Արշակ վերադարձաւ իր տան մօտերը և այն գիշեր հո՛ն ճաշարանի մը մէջ կերաւ կերակուրը:

Կերակուրէն ետքը իր սենեակը քաշուեցաւ իր քրոջը պատասխանելու համար: Այս անթիւ Արշակ նօրէն կարդաց առտուան ընդունած նամակը: Միտքը արդէն պաշարուած Գարեգինին խօսքերէն, այդ ընթերցումը ա՛լ բոլորովին վերանորոգեց իր օրուան յուզումները:

— Աստուծմէ՛ դանայ այդ Ավրամը, կը դռչէր ինքնիրեն:

Գրիչը առաւ գրելու համար, բայց չկրցաւ տող մը բան գրել. մէկդի նետեց, ու ոտքի ելաւ:

Խելայեզ կը պտտէր սենեակին երկայնքը, զլուխը

կրակներու մէջ : Յիշողութեանը կը ներկայանար ընտանիքին աճող ըրեցողութեամբ , հայրն ու եղբայրը Խաղաղութեան փողոցներուն մէջ ջարդուկոտոր , ու յետոյ մայրն ու քոյրը փախստական , Գատր-դիւզ ազգականնի մը տունը , առանց ապրուստի , գրեթէ անօթութեան մատնուած , ու ինք . անստոյգ , թափուական , հագիւ օրուան հացը ճարելու կարող , և բոլոր ասոնց պատճառը , այդ Հրեան , Ավրամը , որ զիրենք փճացնելէ ետքը , հանգիստ կ'երթար վայելելու իրեններուն հետ իր ոճրին պտուղը , Եգիպտոս , ապահով ու անփոյթ : Ու կը յիշէր Գարեգինին խօսքերը . . . որոշումը :

— Չէ՛ , չէ . . . անկարելի է , գոչեց յանկարծ ու ինկաւ անկողնին վրայ :

Կ'ուզէր քնանալ , մոռնալ ամէն բան , վանել այն մտածումները որոնք իր գլխուն մէջ կը խուժէին , իրարու հետ կուռելով :

— ՄՖ , շիղերս թունդ ելան , կը մրմռար ինքնիրեն , այդ անիծեալ մարդն ալ ո՛ւրիկէ բուռաւ այսօր . . . ա՛խ , մէյ մը քունս տանէր . . .

Ու աչքերը կը խփէր բոլոր ուժովը , բայց ի գո՛ւր , միշտ հո՛ն , իր առջեւն էր Ավրամը , որ կը յառաջանար դէպի իրեն , նաւակին մէջ , երկար մուշտակովը և վիզը շալ մը փաթթած , ու ակա՛ջին կը թրթռային Գարեգինի խօսքերը . « Հիմակ մեր ձեռքը ինկաւ անիկա , առանձին տեղ մը պիտի տանիմ , դուն ալ պիտի գաս և հո՛ն պիտի մեռնենք . . . »

Լուսնալու դէմ՝ ա՛լ քունը տարաւ : Երբ արթնցաւ կէսօր եղեր էր արդէն : Գիշերուան մղձաւանջը անցեր էր : Երեսը լուաց ու գուրս ելաւ ճաշելու , Պայծառ , զուարթ արեւը բոլորովին կերպարանափոխեց զինքը :

Ախորժակով ճաշ մը ըրաւ ու յետոյ եկաւ Փաշա Լիմանիի ծովեզերեայ մէկ սրճարանը :

— Հա՛ , աղէկ միտքս ինկաւ , մտածեց , ըրո՞յս նամակին պատասխանը պիտի մոռնայի , հոս նստիմ գրեմ :

Եւ յուսալից , զուարթ , կատակախառն նամակ մը գրեց : Աթէնքի մէջ իր գտած յաջողութիւնները պատմեց , բաւ ուր իբր գոհարեղէն ճանչցող համբաւ մը սկսած էր ունենալ , թէ մեծ յոյս ունէր քիչ առեռնէն լաւ դիրք մը շինելու և թէ այն ատեն անմիջապէս Աթէնք պիտի բերել տար մայրն ու քոյրը : « Քիչ մըն ալ ակռանիդ սիմեցէ՛ք սե ամէն բան կարգին պիտի մտնայ . քանի որ ես ողջ եմ դուք մտածելիք բան մը չունիք , բնա՛ւ հոգ մի՛ ընէք ու պատրաստ եղէք որ գրելուս պէս ճամբայ ելլէք ու հոս գաք : » Նամակը վերջացուց այսպէս , կարդաց և ուրախութեամբ պահտրան դրաւ :

— Խեղճ մայրս ու քոյրս երբ ասիկա կարդան պիտի մխրթարուին ու սիրտ առնեն , կը խորհէր :

Ու կը հաւատար իր գրածներուն . « Ինչո՞ւ չէ , կը մտածէր , հոս իրա՛ւ որ էնձի չափ քարէ հասկցող չի կայ . բանն այն է որ աշխատելու , առդին անդին դիմելու և ճանչցուելու է : Մէյ մը որ մեծ գոհարաւաճառները զիս գնահատեն , ա՛լ գործս կարգին կը մտնայ . պիտի աշխատիմ ատոր համար ու պիտի յաջողիմ . . . »

Սրշակ այդ զուարթ երազներուն մէջ մոլորած՝ ապագային համար խորհուրդներ կ'երկնէր , երբ յանկարծ յիշեց Գարեգինը :

— Ի՞նչ կ'ընէ կոր արդեօք , մտածեց , այսօր չեկաւ զիս գտնելու . բայց վտահ եմ որ ինձի պէս առտուն արթնցած առեռնը արդէն բոլորովին մնացած է երէկուան իր խենթ ուխ ելաւ խօսքերը :

Յետոյ խորհեցաւ որ գուցէ այդ երէկի ըրած տղա-
յական խօսքերոն համար չէր համարձակեր կոր երե-
ւալու և փափաք մը զգաց զայն տեսնելու և քիչ մը
հետը կատակելու :

Ժածը իրիկուան չորսին մօտեցեր էր . ոտք ելաւ և
ուղղուեցաւ դէպի Բիրէ :

— Այս ժամուս մաքսատան գիմացի սրճարանը
նստած ըլլալու է Ավրամին սպաննիչը , ըսաւ միտքն ի
վար ինդալով :

Կէս ժամ ետքը հասաւ այդ սրճարանը որ փախս-
տական Հայերու գլխաւոր ժամադրավայրն էր և ուր
զրեթէ միշտ քսաննի չափ Հայ կը դանուէր նարա խա-
ղալու զբազան :

Գարեգին հոն չէր :

— Պարոն Գարեգինը տեսա՞ք , հարցուց , խօսքը
ուղղելով չորս հինգ երիտասարդներէ բաղկացած
խմբի մը :

— Չէ՛ այսօր մէջտեղ չելաւ :

Արշակ՝ յուռահատած՝ մեկնելու վրայ էր , երբ քիչ
մը անդին նստող Հայ մը որ լսած էր հարցումը , գո-
չեց .

— Ո՞ր Գարեգինը կը հարցնես կոր . . . սա Սա-
մաթիացի՞ն :

— Այո՛ :

— Ես կէտորին մօտերը հանդիպեցայ իրեն կայա-
րանին քով . Աթէնք գնաց կարծես : Հետն ալ մէկը
կար :

— Ո՞վ էր :

— Զիյտեմ , Հայ չէր , ճերմակ մօրուքով մէկը .
Եանուտի կը նմանէր կոր :

Արշակին զոյնը նետեց : Յայտնի չընելու համար իր

յուզումը՝ «Շնորհակալ եմ» ըսաւ և անմիջապէս հե-
ռացաւ :

Յուզուած , շփոթած կը քալէր քարափին երկայն-
քը , առանց գիտնալու թէ ո՛ւր պիտի երթար : Իր ցո-
րեկուան զուարթութիւնը տեղի տուած էր այս անգամ
ո՛չ թէ պոչի օրուան հոգեկան տաղնապնետուն , այլ
տեսակ մը բարկութեան զոր կը զգար Գարեգինին դէմ :

— Խենթ է աս տղան , պարզապէս խենթ է , կ'ը-
սէր ինքնիրեն : Իրեն ի՛նչ Ավրամին բրած դէշութիւն-
ները . իր հայրն ու եղբայրն են սպաննուողները , իր
ստա՞կն է գողցուածը . . . վարձանալի բան : Պէտք է
անպատճառ վերջ մը տալ այդ յիմարութեան :

Այնպէս խորհուրդ մը անցաւ միտքին : Մտածեց
անմիջապէս շոգեկառք նստիլ Աթէնք երթալ , փնտռել
գտնալ Ավրամն ու Գարեգինը ու Ավրամին ըսել որ
զգուշանայ իր նոր բարեկամէն . . . ու այս նպատակով
քայլերը շտկեց դէպի կայարան : Կայարան հասած էր
երբ Աթէնքի կառախումբը եկաւ : Արշակ գնաց ելքի
դրան մօտ փեցաւ դուրս ելլողները դիտելու համար ,
մտածելով որ գուցէ Գարեգին ու Ավրամ անոնց մէջն
են : Յանկարծ սիրտը նետել սկսաւ . նշմարած էր իր
բարեկամը որ Հրեային հետ խօսակցելով կը յառաջա-
նար : Գարեգին ինքն ալ տեսած էր Արշակը և բարկա-
ճալթ նայուածքներ կ'արձակէր անոր : Արշակ շփոթե-
ցաւ և գնաց շուտ մը անկիւն մը կծկուիլ : Հագիւ թէ
Հրեան ու Գարեգին հրապարակ ելած էին , երբ Արշակ
տեսաւ որ իր բարեկամը ետ դարձաւ ու մտաւ կայա-
րանին սրահը , հասկեցաւ որ զինքը կը փնտռէր և մօ-
տեցաւ անոր :

— Կայարանին քովի սրճարանին պարտէզը սպասէ

4870-2010



ինձի, հիմա կուգամ, գոչեց Գարեգին, պէտք է որ անպատճառ հետդ խօսիմ:

— Ես ալ կ'ուզեմ խօսիլ հետդ, շո'ւտ եկուր, պատասխանեց Արշակ:

Գարեգին նորէն դուրս նետուեցաւ:

— Ա'լ պիտի վերջանայ աս խնդիրը, ա'լ պիտի վերջանայ, վճռեց Արշակ դէպի ցոյց տրուած ժամագրավայրը երթալով:

Կը խորհէր թէ ի'նչ դիրք բռնելու էր Գարեգինին նկատմամբ: Խի'ստ թէ անուշութեամբ պէտք էր խօսիլ. բացարձակապէս յայտնելո'ւ էր իր հակառակութիւնը Գարեգինի խորհուրդներուն դէմ: Թէ համամիտութիւն կեղծելով պէտք էր վարուիլ: Այս մտածումներուն մէջ կ'ալեծփէր երբ՝ մէկէն՝ գաղափար մը յղացաւ:

— Գտա'յ, գտա'յ, գոչեց խենթ հրճուանքով մը:

Եւ շրացած իր գաղափարէն, անմիջապէս շիշ մը բէջինա ապսպրեց: Գտած միջոցը այնչափ վճռական, ա'յնչափ հիանալի նկատեց որ ա'լ բոլորովին հանգարտեցաւ և՛ ուրախ՝ սպասեց իր բարեկամին գալուն:

Գ.

Իրեն չափ ուրախ էր նաև Գարեգին երբ պարտեց մտաւ. միայն պարտք համարեց պզտիկ յանդիմանութիւն մը ուղղել իր բարեկամին, գործած անխոհեմութեանը համար:

— Ես չըսի՞ որ մէջտեղ չելլես, Աւրամին աչքին չերեւաս. քիչ մնաց պիտի տեսնար քեզի ու ամէն բան ջուրը պիտի իյնար: Ի'նչ գործ ունէիր կայարանը ճի'շդ մեր գալու միջոցին:

— Իրաւունք ունիս, վրայ բերաւ Արշակ, շա'տ իրաւունք ունիս, բայց մտքէս չէր անցնէր որ ձեզ հոն պիտի հանդիպէի: Տե'ս ի'նչ եղաւ. այս ցորեկ Աթէնքէն մէկը եկաւ ըսելու որ անպատճառ իրիկունը երթամ տեսնեմ Պ. Գունտուրոսը, սա' Օտոս Սդաթիոնի մեծ գահարավճառը: Գործեր ունի եղեր ինձի յանձնելիք, չուզեցի այդ գեղեցիկ առթիւն ձեռքէ փախցնել: Կը ներես... բարեբախտաբար անխոհեմութիւնս հետեւանք մը չուեցաւ: Արդէս ձեզի տեսնալուս պէս գացի անկիւն մը ծածկուեցայ:

Եւ Արշակ բէջինայի շիշը առնելով Գարեգինին դաւաթը լեցուց:

— Ինչ որ է, եղածը եղած է, ըսաւ Գարեգին բայց գոնէ ասկէ ետք աւելի խոհեմ եղիր: Է'յ, երէկուրն է ի վեր ի'նչ մտածեցիր խօսածներուս վրայ...:

— Նախ՝ միտ հաստա՞տ ես քու որոշու միդ մէջ:

— Այո՛:

— Պիտի մեռցնե՞ս այդ մարդը:

— Այո՛:

— Եղբա'յր, ի'նչ ըսեմ, շարունակեց Արշակ, գիշերը, մինչեւ առտու ատօր վրայ մտածեցի: Իրաւունք ունիս, այդ մարդը գարշելի արարած մըն է, չար, վեսասակար, թունաւոր օձ մը, և առանց խղճի խայթի կարելի է սպաննել զայն... բայց կ'արժէ՞ այդ անպիտանին համար վտանգուիլ...:

— Վտանգի բան չի կայ, ամէն բան ժանրամանօրէն խորհած եմ, պատասխանեց Գարեգին խորհրդաւոր ձեւով մը, և ամէն բան փափաքածէս աւելի յաջող կերպով կարողացուելու վրայ է, այնպէս որ կը սկսիմ կոր հաւատալ թէ աներեւոյթ զօրութիւն մը կը հսկէ կոր այս արդարութեան գործին վրայ: Իսկ եթէ, հակա-

առկ ամէն զգուշութեան, ձախորդութեամբ մը, գործը կատարուելէ վերջը մէջտեղ ելլէ ու բռնուելիմ, ան ալ հոգս չէ: Ես ո՛չ հայր ունիմ ո՛չ մայր, ո՛չ ալ քոյր կամ եղբայր, աշխարհի մէջ միս միտակ մէկն եմ, կեանքս ամբողջովին ինձի կը պատկանի և ազատ եմ ուզածիս պէս զայն գործածել: Երէկ, տուճին վայրկեանին, քեզի տլ կ'ուզէի մասնակից ընել արդարութեան այս գործին, խորհելով որ ասով դուցէ թեթեւցուցած պիտի ըլլայիր քու կիներուդ սպաննութեան ցաւը. բայց յետոյ մտածեցի թէ պարտուոր ես ինքզինքդ խնայել քու մօրդ ու քրոջդ համար, որոնց միակ յոյսն ես հիմակ: Թէեւ նորէն կը կրկնեմ, գործը անանկ վիճակի մը մէջ մտնալու վրայ է որ գրեթէ ամենափոքր վտանգաւոր հետեւանք մը պիտի չունենայ որեւէ կերպով...:

—Շատ աղէկ ուրեմն: Կը տեսնամ որ անկարելի է քեզ ետ կեցնել խորհրդէդ ու այդ մասին ա՛լ պիտի չի պնդեմ: Գալով ինձի, ինչպէ՞ս բսիր. ես անձիս տէրը չեմ և չեմ կրնար մասնակցիլ վրէժխնդրական խորհուրդիդ գործադրութեանը, բայց բոլորովին հետու ալ չեմ ուզեր մնալ և կ'ուզեմ որ գոնէ ձեռքէս եկած օժանդակութիւնը պահանջեմ ինէ: Շատ մը բաներու մէջ օգտակար կրնամ ըլլալ քեզի...:

—Անչո՛ւշտ, անչո՛ւշտ, վրայ բերաւ Գօրեզին, և ասիկա պիտի պահանջեմ քեանէ: Երբոր ատենը գայ, շատ բաներ ունիս ընելիք: Շիտակը ես ալ բնաւ փափաք չունիմ այդ շունին համար զո՞ն երթալու և վստահ եղիր որ ամէն ջանք պիտի ընեմ գործը կատարելէս ետքը օձիքս ազատելու: Ինձի համար ասոր մէջն է արժանիքը: Բայց ինչ որ ալ ըլլայ, սրբարութիւնը պիտի կատարուի... ասիկա անդամուլի կերպով որոշուած է:

Պահ մը լուսթիւն տիրեց երկու խօսակիցներուն միջեւ: Արշակ բէջինայի նոր շէշ մը ապսպրեց:

—Պատմէ՛ նայինք այսօր ի՞նչ ըրիք Աթէնք, ըսաւ լուսթիւնը կողմով:

—Աթէնք տուն փնտռելու գացինք: Առտուն երբ Ավրամը տեսայ, ըսաւ որ ընտանիքը գալէն ետքն ալ դեռ քանի մը շարաթ հոս մնալու միտք ունի, ասոր վրայ խորհուրդ տուի իրեն անմիջապէս Աթէնք պզտիկ տուն մը վարձելու, ամուսն մը համար, և ըսի որ շատ աւելի աժան կ'ըլլայ իրեն, քան թէ ընտանիքով պանդոկը բնակիլը:

—Խօսքդ չմոռնաս, հոս ո՞ր պանդոկը իջած է:

—Սա՛ մօտը... Բարթէնոն: Ըսածներուս համոզուեցաւ ու միտքս գացինք Աքորոսիտի ետեւները, պարտէզի մէջ, կահաւորուած պզտիկ տուն մը գտանք, ամսական հարիւր տրախմիի, անմիջապէս բռնեցինք ու բանալին ալ առաւ: Վաղը չէ միւս օր հոն պիտի փոխադրուի: Կարծես յատկապէս մարդ կողմելու համար շինուած տեղ մըն է՝ Գովերը տուն չի կայ, ամէնէն մօտի տունը, քանի մը հարիւր քայլ անդին է... երբեք չէի յուսար որ զիպուսած, տ'յոջափ նպատաստ որ պիտի ըլլար ինձի:

—Հիմա ի՞նչ է ծրագիրդ:

—Շատ պարզ: Մէյ մը որ հոն հաստատուի, գիշեր մը միտքս իրեն պիտի երթամ, տնչուշտ ընտանիքը գալէն առաջ, ու տանը մէջ պիտի սպաննեմ զէնքը: Յետոյ, պիտի ձգեմ փախչիմ: Մէկ երկու օր ետքը պիտի գտնան դիակը, ես սրղէն հեռացած պիտի ըլլամ: Ինք հոս մարդ մարդասանք չունի, հետեւաբար քննութիւնը անուշ տեղը պիտի կապուի, մանաւանդ որ գիտես թէ Յոյները ո՞րչափ կ'ատեն Հրեաները և թէ Հրեայի մը

սպաննութիւնը որչափ չնչին դէպք մը պիտի նկատուի :

—Գործը ա՛յնչափ դիւրին կ'երեւայ կոր հիմակ ինծի , որ ես ալ փափաք կը զգամ կոր մասնակցելու , ըսաւ Արշակ խնդալով :

—Անանկ չէ՞ :

—Բայց Ավրամը քու մասին որ եւ է կասկած չունի՞ ընաւ :

—Ընդհակառակը , բոլորովին վստահութիւնը գրաւած եմ , զիս իբրեւ կատարեալ յոյն կլլած է և միշտ գոհութիւն կը յայտնէ որ ինծի պէս թուրքերէն զիտցող ազնիւ անձի մը պատահած է : Ուրիշ Հրեաներուն պէս ա՛յնչափ կծծի ալ չէ և ինծի հաճելի ըլլալու համար գրամը չի խնայեր կոր . . . ձենէ գողցած գրամը :

—Աղէ՛կ , ըսել է ամէն բան կարգին է :

—Այո՛ , միայն թէ , շարունակեց Գարեգին ինզատ լով , կարծես մարդը նախազգացում մը ունի թէ Հայերուն ձեռքով գլխուն փորձանք մը պիտի գայ : Կ'ուզէ որ հայ չի գտնուած ճաշարան մը կամ սրճարան մը երթանք միշտ : Քանի մը անգամ խօսք բացաւ այստեղի փախստական Հայերուն վրայ . « Սասգեղցիներ կա՞ն , ի՞նչ կ'ընեն , կատղած են թուրքերուն դէմ » եւ այլն հարցումներ ըրաւ :

—Ի՞նչ պատասխանեցիր :

—Ըսի որ Հայերուն հետ ընաւ յարաբերութիւն չունիմ և թէ չեմ սիրեր զիրենք :

—Շիշ մըն ալ պարպենք գործին յաջողութեանը համար հարցուց Արշակ :

Գարեգին ժամացոյցը նախեցաւ :

—Օ՛ , գոչեց , ժամը եօթը եկեր է , պէտք է անմիջապէս երթամ : Եօթնուկէսին կերակուր պիտի ուտանք Ավրամին հետ ու յետոյ փալէրօ՝ թատրոն պիտի

երթանք : Պնդեց որ այս իրիկուն անպատճառ միտսին անցընենք :

Ու ոտքի ելաւ :

—Հա՛ , ըսաւ , խօսք տո՛ւր որ ուրիշ անգամ այսօրուան պէս անխոհեմութիւն չընես :

—Այո՛ , այո՛ , կը խստանամ , վստահ եղիր :

—Մնաս բարով :

Պատանին հեռացաւ :

—Պարզապէս խելքին դպած է , մրմոաց Արշակ , կեցած անղը ողջ գլուխը աւետարանին տակ գնել կ'ուզէ կոր : Կ'երեւայ որ ջարդերը քիչ մը խոնգարած են իր միտքը : Ինչ որ է , բարեբախտաբար ասոնց ամէնուն առաջը պիտի առնուի : Գտած միջոցս հրաշալի է :

Նրլակ սպասաւորը կանչեց և նամակ գրելու համար պէտք եղածը ուզեց :

—Ավրամ տաճկերէն աղէկ գիտէ ու կրնայ դիւրութեամբ կարդալ , մտածեց , որչափ ալ գիրն ու շարադրութիւնը գեշ ըլլայ :

Ու հետեւեալ իմաստով թուրքերէն նամակ մը գրեց .

« Մեծ վտանգ մը կը սպառնայ ձեզի : Հոս գտնուող Հայերը , որոնք լսած են ձեր ըրածները Սասգեղի մէջ , որոշած են սպաննել ձեզի որ եւ է միջոցաւ մը : Պէտք է որ անմիջապէս հեռեալք Յունաստանէն : Հոս ամէն վարկեան ձեր կեանքը վտանգի մէջ է : Ձեր զրացի , Սասգեղցի ոսկերիչ Սարգիս աղային տղան՝ Արշակը՝ հոս է և ամէնուն պատմած է որ դուք եղած էք իր հօրն ու եղբորը սպաննութեան պատճառը : Օր մը պիտի իմանաք թէ ո՞վ է այն անծանօթ բարեկամը որ այս տողերը կը գրէ ձեզի : Նորէն կը կրկնեմ , շո՛ւտ փախէ՛ք Յունաստանէն : »

Արշակ նամակը գրելէն ետքը սպասեց մինչեւ ժամը

ինք, որպէս զի ապահով ըլլայ թէ Ավրամ ու Գարեգին մեկնած են, ու յետոյ գնաց օթէլ Բարթէնոն և նամակը ձգեց Ավրամին հասցէին:

Այդ գիշերը Արշակ հանդիստ քնացաւ մինչեւ առաւօտ:

Դ.

Կէս գիշերին մօտ Ավրամ ու Գարեգին վերադարձան թատրոնէն: Պանդոկին դրան առջեւ պահ մը կեցան իրարմէ բաժնուելէ առաջ:

— Պարո՞ Նրիսթօ, ըսաւ Ավրամ հայ պաասնին որ այս անունով միայն կը ճանչնար, վաղը կը սպասեմ քեզի, առտուն ժամը տասնին:

— Անպատճառ կուգամ:

— Քանի մը մանր մուկը բաներ կան տանը համար գնելիք, միասին երթանք: Գիտեմ սր շատ ձանձրութիւն կուտամ կոր քեզի, բայց ի՞նչ ընեմ, ուրիշ մէկը չունիմ հոս և լեզու ալ չեմ գիտեր: Բայց վտահ եղիք որ քու ըրած ծառայութիւններուդ տակը պիտի չմնամ:

— Կ'ազատեմ, չխօսինք ատոր վրայ, ծառայութիւն չի կայ. երկուքս ալ Պոլսեցի ենք, բնական է որ օտար երկրի մը մէջ ձեռքերնէս եկածը իրարու պիտի ընենք օգտակար ըլլալու համար:

— Շնորհակալ եմ, գիշեր քարի:

Ավրամ սենեակը ելաւ: Պանդոկին ծառան Արշակի նամակը բերած՝ սեղանին վրայ դրած էր, աշտանակին քով, այնպէս որ Ավրամ մտքը վառելուն պէս նշմարեց զայն: Առաւ ու հասցէն կարդաց:

— Թուրքերէն նամակ մը, ինծի ուղղուած, ի՞նչ կրնայ ըլլալ, մտածեց:

Յետոյ պահարանը քննելով՝

— Բոսթայով ալ չէ զրկուած, այլ մէկը բերեր ձգեք է. արդեօք Պոլսէն ծանօթ մը եկաւ այսօր...:

Հաղիւ թէ արաջին տողերը կարդալ սկսաւ, Հրեային գոյնը նետեց, ու երբ նամակը վերջացուց՝ յուզումէն գրեթէ կը գողար: Սարսափահար չորս կողմը կը նայեր, աչքերը սոսկումով լեցուած: Մէկէն դէպի դուռը դիմեց, նիզը դրաւ ու բանալիով կղպեց, յետոյ յանկարծ՝ անկողնին սկսաւ նայիլ:

— Արդեօք անկողնին տակ մէկը պահուրտած է, կը մտածէր, սակայն չէր համարձակէր ծոխի նայելու:

— Եթէ մէկը կայ, նայելուս պէս վրաս պիտի յարձակի ու դուռն ալ կղպած եմ, բանալի փախչելու ժամանակ պիտի չունենամ...:

Մտմը առաւ, գնաց մինչեւ դուռը, բացաւ ու հանկէ ծռելով նայեցաւ անկողնին տակը: Մարդ չկար:

Քիչ մը հանդարտած, կրկին դուռը կղպեց և սկսաւ հանուիլ:

— Ի՞նչ ընելու է հիմակ կը խորհէր, ասոնց ձեռքէն ազատելու համար... Արշակը հո՞ս է եղեր... ան ըլլալու է գլուխնին... ի՞նչ ընեմ, ոստիկանութեան յանձնեմ նամակը. բայց հոս Թուրքիա չէ, անստորադիր նամակի մը տնորոշ խօսքերովը մարդ չեն բռներ... ասկէ զատ շատ մը խնդիրներ մէջտեղ կրնան ելլալ... յետոյ այս անպիտան Յոյները հակառակ են մեզի, ու բանի մը տեղ պիտի չգնեն Հրեայի մը բողոքները: Չգել երթալու է, ուրիշ ձար չի կայ. անմիջապէս երթալու է... բայց մինչեւ գացած վայրկեանի՞ս...:

Ավրամ անկողին մտաւ. նորէն կարդաց նամակը. «Հոս ամէն վայրկեան ձեր կեանքը վտանգի մէջ է», այս տողերը կը զարհուրեցնէին զինքը:

—Ա՛խ մէյ մը լուսնար, առտու ըլլար...:

Ելաւ անկողնէն ու քննեց դրան կղպանքը. բաւական հաստատուն երեւցաւ իրեն. յետոյ գնաց դէպ ի պատուհանը, տեսնելու համար որ կարելի՞ էր անկէ ներս մտնել:

—Չէ՛ր, մաածեց, այս կողմէն վախ չի կայ...:

Անկողին մտաւ: Նամակը կը տանջէր զինքը, նորէն առաւ սեղանին վրայէն ու կարդաց:

—Արիսթօն արդեօք անոնց մա՛րդն է, կասկածեցաւ Ավրամ, բայց այդ մտածումը երկար չտուեց: Չէ՛ր, կ'ըսէր ինքնիրեն, այդ տղան հանդարտ, աղէկ տղայ մը կ'երեւայ, ասկէ գտաւ Հայերը չի սիրեր կոր ու հետերնին յարարերութիւն չունի. տկար, հիւանդոտ մէկն է, ատանկ գործերու մէջ չի կրնար մտնել:

Անկողնին մէջ կը տապալակէր ու կը ջանար ք.ւնը վանել:

—Արդէն հոս ոտքս դրած վայրկեանէս նախազգացում մը ունեցայ որ Հայերը գլխուս բան մը պիտի բերեն. բցի՛ւ թէ շիտակ ճամբաս շարունակած ըլլայի մինչեւ Եգիպտոս... հոն մեծ տեղ է, հեռքս դիւրաւ չեն գտներ:

Ու այսպէս տագնապալից մտածումներու մէջ Ավրամ արթուն մնաց մինչեւ լոյս: Վերջապէս հաստատաբար որոշեց պատրաստութիւնները տեսնել և մեկնիլ Եգիպտոս:

Ժամը ութն էր երբ ծառան կանչեց և ըսաւ որ պանդուկին գործակալը, որ քիչ մը թուրքերէն կը հասկընար, իրեն զրկէ:

—Ե՛րբ Ալեքսանդրիայի համար շոգենաւ կայ, հարցուց Ավրամ, մարդը ներս մտնելուն պէս:

—Վաղը կէսօրէն ետքը, առսական և խրտիվիէ:

—Լա՛ւ, Արտիվիէի համար ինծի երկրորդ կարգի տոմսակ մը առ:

Ու չորս ոսկի տուաւ ձեռքը:

Յետոյ անմիջապէս նամակ մը դրեց Պոլիս, իր ընտանիքին, իմաց տալու համար որ Եգիպտոս կ'երթար և հրահանգ տուաւ որ ուղղակի Ալեքսանդրիա գան:

Նամակը ծառային հետ զրկելէ ետքը, Ավրամ սընտուկները կապեց:

—Ասոնք այսօրուլնէ գործակալին հետ կը զրկեմ շոգենաւին ընկերութեան գրասենեակը, կ'ըսէր, թո՛ղ իրենք բեռցնեն ու իմ անունիս զրկեն Ալեքսանդրիա. թէեւ քիչ մը սուղ պիտի ըլլայ, բայց մեծա չունի. չեմ ուզեր որ վաղը բեռներով շոգենաւ երթամ ու Հայերը զիս տեսնեն, կ'եյլեն «Վա՛յ, ձեռքերնուս կը փախչի կոր» ըսելով գլխուս փորձանք մը կը բերեն...:

Ավրամ ա՛յնչափ կ'աճապարէր իր մեկնումի կարգադրութիւններովը, որ պանդուկին գործակալը շոգենաւին տոմսակն առած վերադառնալուն պէս՝ բեռները կրել տուաւ և պանդուկին տիրոջմէն իր հաշիւը ուզեց մաքրելու համար:

Ժամը տասն էր երբ Գարեգին երեւցաւ դրան առջեւ: Նշմարելով Հրեային մտատանջ, զբաղկոտ կերպարանքը, անմիջապէս հարցուց:

—Ի՞նչ կայ, Ավրամ էֆէնտի, իրարացու մի մէջ էք:

—Բան մը չի կայ, պատասխանեց միւրը որ յանկարծ լաւազոյն հափարեց ծածկել նամակին պատմութիւնը իր նոր բարեկամէն. այս առտու ստիպողական հեռագիր մը առի Ալեքսանդրիայէն ու պէտք է որ անմիջապէս մեկնիմ. ասոր համար պատրաստութիւններս կը տեսնամ կոր:

Գարեգին թէեւ այս անակնկալ լուրէն ցնցուած,

սակայն բաւական ճարպիկութիւն ունեցաւ իր զարմանքը ցոյց չի տալու :

—Ուրեմն անմիջապէս կ'երթա՞ք, հարցուց բնական, գրեթէ անտարբեր շեշտով մը :

—Չէ՛, այսօր դժբախտաբար շոգեմաւ չի կայ եղեր, վաղը ցորեկէն ետքը պիտի երթամ. բայց բեռներս արդէն զրկեցի ու ամէն կարգադրութիւններս րրի :

—Կը յուսամ որ այդ մեկնումը ձախորդ լուրի մը հետեւանք չէ. շարունակեց Գարեգին՝ որ միտքը կը տանջէր հասկնալու համար այդ յանկարծակի մեկնումին շարժառիթը :

—Չէ՛, ընդհակառակը կարեւոր ու շահաբեր գործի մը համար է... որուն յաջողութեանը համար անհրաժեշտ է անմիջապէս երթալս :

—Է՛յ Աթէնքի վարձած տուներնի՛դ :

—Թո՛ղ այդ չորս սոկին ալ կորսուի, պատասխանեց Ավրամ, ձեռքի արհամարհուա շարժումով մը :

—Ուրեմն ա՛լ ինձի պէտք չունիք այսօր :

—Ո՛չ, մանաւանդ որ քիչ մըն ալ անհանգիստ եմ ու դուրս պիտի չկլկեմ, սենեակս պիտի ճաշեմ, կ'երեւայ որ երէկ գիշերը պաղ եմ առեր : Վաղը կէսօրին եթէ գաս, շատ շնորհակալ կ'ըլլամ. մէկտեղ կ'երթանք շոգեմաւ և քեզի հետ ունեցած պղտիկ հաշիւս ալ կը կարգադրենք :

Ավրամ, ամէն անգամ առիթը ներկայանալուն, ըզզացնել կուտար Գարեգինին որ իր ծառայութիւնները անվճար պիտի չմնային :

Գարեգին Հրեային հետ անտարբերութեամբ խօսելով հանդերձ, կատաղութենէն խնդրինքը կ'ուտէ. տեսնելով որ զօ՛ր ձեռքէն կ'երթայ : Պահ մը խորհեցաւ հոն, սենեակին մէջ, յարձակել վրան ու անմիջապէս «ար-

դարութեան գործը», ինչպէս ինք կ'ըսէր, կատարել : Բայց չը յաջողելու հաւանականութիւնը և բռնուելու անխուսափելիութիւնը ղինքը կեցուցին : «Չարժեք որ այդ շանը համար վտանգուիմ մանաւանդ առանց յաջողելու, մտածեց, սատանան զինքը կը պաշտպանէ կոր, ճար չի կայ բան մը ընելու :»

—Մնաք բարով, Ավրամ էֆէնտի :

Դուրս ելաւ : Սանդուխէն իջած առէն ուղեց ետ դռնայ :

—Գոնէ երթամ ու հայ ըլլալս իրեն յայտնեմ ու վերէն վար լուամ ղինքը, կ'ըսէր :

Բայց վե՛ժխնդրութեան այդ ձեւը, Ավրամի գործած ոճիւններուն փոխարէն, այնքան ճղճիմ, այնքան ծիծաղելի երեւցաւ իրեն որ նախընտրեց ձամբան շարունակել :



Ե.

Գարեգին մինչեւ իրիկուն յուզեալ օր մը անցուց : Ավրամի յանկարծական մեկնումը չէր կրնար գլխուն մէջ սեղանցնել, ու քանի կը մտածէր ատոր վրայ՝ այնչափ կատաղութիւնը կը բորբոքէր :

—Պիտի փախչի՛, ազատի՛ պատիժին ձեռքէն, կը մըմտար ինքնիրեն, ա՛խ ճար մը գտնալի սա մարդուն ձամբորդութիւնը յետաձգելու համար :

Քայլերը ուղղեց դէպի Փաշա Լիման, Արշակին տունը, խորհելով որ թերեւս անհիկա կրնար գաղափար մը լղանալ իր ջուրը ինկած ծրագիրը վերականգնելու համար : Սակայն քալելով հանդերձ, շատ յոյս չուներ իր բարեկալին խորամանկութեան վրայ :

—Ան ալ պարապ տղուն մէկն է, կը մտածէր, փոխանակ ինձի հետ մէկ ըլլալու, զիս քաջալերելու, բնդահակաակը առաջին օրէն՝ ամէն ջանք ըրաւ իս վհատեցնելու համար: Միայն երէկ իրիկուն քիչ մը փոխուած էր... ինչ որ է, մէյ մը երթամ զինքը տեսնեմ:

Արչակ տունը չէր և տանտիրուհին ըսաւ որ առտուն կանուխ Աթէնք գացեր էր ու գիշերը ուշ տտն պիտի վերադառնար:

Արչակին այս դիպուածակն բացակայութիւնը բաւական եղաւ Գարեգինի արդէն գրգռուած ջիղերը ալ աւելի թունդ հանելու:

—Ի՞նչ կ'ընէ, ինչո՞ւ Աթէնք կ'երթայ, ինչո՞ւ աեղը չի նստեր, կ'ըսէր ինքզինքը ուտելով:

Նոյն իրիկունը բերանը պատտա մը բան չկրցաւ դընել, և հաղիւ ժամը ինր կար՝ տուն դնաց անկողին վրայ ինկաւ: Ժամերով չըջեր էր փողոցէ փողոց ու ալ կարողութիւն չէր մնացեր վրան ոտրի կենալու: Անկողին մէջ սակայն նորէն Ավրամի մեկնումը եկաւ խռովել իր հանգիստը:

—Այդ Այեքսանդրիայէն եկած հեռագրին պատմութիւնը տարօրինակ է քիչ մը, սկսաւ մտածել: Ավրամ հաղիւ երեք օր է և դեռ ժամանակ չունեցաւ Այեքսանդրիա նամակ գրելու և իր պանդոկին հասցէն տալու, հետեւաբար ի՞նչպէս կ'ըլլայ որ հեռագիր կուգայ իրեն: Ի՞նչպէս այս կէտը անփշապէս միտքս չեկաւ երբ հեռագրին խօսքը ըրաւ...: Այո՛, յայտնի կ'երեւայ որ անպիտան հրեան իս խաբեց իր պատմութեամբը... բայց ինչո՞ւ համար: Արդեօք մեկնո՞ւնն ալ սուտ է: Բայց ո՞վ կրնար իմ խորհուրդներուս վրայ տեղեկութիւն ունենալ, միայն Արչակին բացուած եմ, և անկարելի է որ Արչակ իմաց տուած ըլլայ, քանի որ, կեր-

պով մը իմ մեղսակիցս է այս գործին մէջ. ասկէ դատ ինչո՞ւ այդ տեսակ բան մը պիտի ընէ...

Ու Գարեգին որ եւ է կերպով չէր կրնար մեկնութիւն մը տալ իր սիրտը յուզող խնդիրներուն. միայն սա՛ կէտին համոզուեցաւ թէ Ավրամ զինքը բացարձակապէս խարած էր հեռագրին պատմութեամբը:

—Վաղը ցորեկ պիտի տեսնամ զինքը, ամէն ջանք պիտի ընեմ բռնէն կորզելու այդ սուտին պատճառը...

Հետեւեալ առտուն կանուխ ելաւ անկողնէն, հագուեցաւ ու դուրս նետեց ինքզինքը:

—Նախ պէտք է հասկնամ որ իրաւցնէ այսօր կը մեկնի կոր Ավրամը, ըսաւ:

Շիտակ Բարթէնոնի պանդոկը գնաց և տեղեկութիւն հարցուց:

Կասկած չի կար: Ավրամ պիտի երթար՝ նոյն օրը, սնտուկները զրկած էր արդէն ու տոժօակը առած: Նոյն իսկ առտուն կանուխ ծառային ապսպրած էր որ կառք մը վարձէ, որպէս զի ցերեկին զինքը քարափ փոխադրէ:

—Կա՞ք մը պանդոկէն քարափ երթալու համար. բայց երկու քայլ է ասկէ հոն, գոչեց Գարեգին, երբ պանդոկին ծառան այդ մանրամասնութիւնը հաղորդեց իրեն:

—Չեմ պիտեր, պատասխանեց ծառան, ինձի այդպէս ըսաւ, կ'երեւայ որ անհանգիստ է ու ասոր համար չուզեր կոր ոտքով երթալ:

Գարեգին ալ բոլորովին յուսահատած մեկնեցաւ պանդոկէն:

—Հեռագրին պատմութիւնը սուտ է թէեւ, բայց ափսոս որ մեկնումը ճշմարիտ է, մաածեց:

Ժամը հաղիւ ութը կար և Ավրամին գալէն առաջ նորս ժամ ունէր սպասելիք: Որոշեց երթալ Արչակին:

Երբ սենեակէն ներս մտաւ, իր Սասգեղցի բարեկամը, թէեւ արթուն, դեռ անկողինն էր:

— Բարե՛ւ, գոչեց Գարեգինը տեսնելով. երէկ իրկունն եկեր իս փնտռեր ես, հիմակ ալ ասանկ կանուխ, խե՛ր է:

— Ի՛նչ ընելու գացիր երէկ՝ Աթէնք.՞. մինչեւ գիշեր, հարցուց բարկութեամբ Գարեգին որ մէկը կը փնտռէր հետը կուուելու համար:

Արչակ սկսաւ խնդալ:

— Գո՛րծ, գո՛րծ, գոչեց, վերջապէս կը սկսիմ կոր յաջողութիւն գտնալ... այսօր նորէն պիտի երթամ և գուցէ նորէն գիշերը դառնամ... եթէ ասանկ երթայ հոստեղի սենեակս պիտի ձգեմ և Աթէնք պիտի փոխադրուիմ:

Արչակին պատմութիւնը ճշմարիտ էր: Աթէնքի յօյն գոհարավաճառներէն մէկը լուր ղրկած ու կանչած էր ղինքը ու շատ մը գործեր յանձնած. նոյնիսկ կարեւոր կանխավճար մըն ալ ըրած էր հայ երիտասարդէն, որ գրպանը պարարտ դարձած էր իրիէ:

Գործի այդ անակնկալ յաջողութիւնը զոր Արչակ իր երազանքներուն իրականացման մէկ ստոյգ նշանը կը համարէր, ղինքը ամենազուարթ տրամադրութեան մը մէջ գրած էր, որ բոլորովին հակապակերն էր իր Սոմաթիացի բարեկամին վիճակին: Նոյնիսկ Արչակ իր այս շէնչող վայրկեանին չկրցաւ նշմարել Գարեգինին ցասկատ կերպարանքը և սիկարէթ մը հրամցնելով ըսաւ.

— Դուն ալ ուրախ կ'երեւաս կոր, ի՛նչ կայ նայինք, առտուն կ'սնուխ աղէկ լուր մըն ալ դո՛ւն տուր:

— Ուրախ կ'երեւամ կոր, գոչեց Գարեգին, ուրախ կ'երեւամ կոր... քիթիս կը խնդաս կոր, թէ խելքդ թուցեր ես:



ՉԱԳՂՐ ԱՎՐԱՄԻ ԶՈՂՆԵՐԷՆ՝ ԱՐՇԱԿԻ ՄԱՅՐԸ ԱՄՊԷՐ ՀԱՆՐԾ

Ու Գարեգինն ոտքի ելլելով սկսաւ սենեակին մէջ վեր վար քալել:

Արշակ մէկէն տեսաւ որ սխալ մը ըրած էր և ուղղելու համար դայն, իսկոյն լուրջ, գրեթէ հանդիսական կերպարանք մը առաւ և հարցուց.

— Ի՞նչ կայ որ... գէշ բա՞ն մը պատահեցաւ:

Գարեգինն առանց պատասխանելու կը շարունակէր սենեակին մէջ շրջիլ:

— Ի՞նչ կայ, ըսէ՛ շուտ, գոչեց նորէն Արշակ, բոլորովին դող ելած, Պօլսէն լո՛ւր մը առիւր...:

— Ավրամ այսօր կը սեկնի կոր, ահա՛ եղածը...:

Խառնակէն մեծկակ շունչ մը առաւ.

— Հա՛, ա՛տ է բոլոր բարկութեանդ պատճառը:

Իայց տեսնելով որ հրեային մեկնելուն մասին ուրախութիւն կամ անտարբերութիւն ցոյց տալով աւելի պիտի բորբոքէր իր պատանի բարեկամը, լնքղինքը ժողվեց և հարցուց.

— Իրա՛ւ կ'ըսես թէ կատակ կ'ընես կոր. պատմէ նայինք մանրամասնօրէն... կարելի է ճար մը կը գտնանք միասին:

Գարեգինն նստաւ և մէկիկ մէկիկ հաղորդեց իր բարեկամին մեր գիտցած գէպքերը: Երբ խօսքը աւարտեց Արշակ յուսահատ դէմք մը առաւ և պատասխանեց.

— Կը տեսնամ որ ճար չի կայ... անպիտանը պիտի պրծի ձեռքերնուս, ի՛նչ ընենք, պէտք է համակերպիլ:

Ու անկողնէն ելլելով սկսաւ հագուիլ:

— Ժամը տասնըմէկին Ախէնք պէտք է ըլլամ, դուն ալ եթէ կ'ուզես հետս եկուր:

— Չէ՛, Ավրամին հետ ժամագրութիւն ունինք, մէկտեղ շփոթեալ պիտի երթանք:

— Ձգէ՛ սա շունը... ա՛լ ի՛նչ հետը կը տեսնուի:

կոր, քանի որ միտքդ դրածդ պիտի չկրնաս գործադրել:

— Անպատճառ կ'ուզեմ վերջին անգամ մը տեսնալ զինքը և սա՛ հեռագրին խնդրը լուսարանել... չեմ կրնար կոր ըմբռնել թէ ինչո՛ւ խարեց զիս:

Երկու բարեկամները միասին դուրս ելան ու դէպ ի Բիրէ աւղուեցան:

— Եկո՛ւր Աթէնք երթանք, պնդեց նորէն Արշակ որ կ'ուզէր անպատճառ իր բարեկամը հեռու պահել Ավրամէն՝ վախնալով որ իր գրգռուած վիճակին մէջ վերջին րոպէին անխոհեմութիւն մը կ'ընէ:

Գարեգինն հասկցաւ Արշակի դիտաւորութիւնը և ըսաւ.

— Մի՛ վախնար, իսնթ չեմ որ այդ աղտոտ շանը համար ինքզինքս վտանգեմ. եթէ տղւ տեսակ դիտաւորութիւն մը ունենայի, երէկ, իր սենեակին մէջ, միս մինակ եղած ատեննիս կ'ընէի: Չէ՛, պարզապէս հետաքրքրութիւն մը յագեցնելու համար է որ կ'ուզեմ անգամ մըն ալ տեսնալ զինքը: Ինչո՛ւ համար այդ հեռագրին սուտը հնարեց, ինչո՛ւ համար մէկէն ի մէկ կը մեկնի կոր, ասիկա կ'ուզեմ հասկնալ:

Կայարանին մօտ հասած էին և ժամը տասն ու կէսըն էր:

— Կ'ուզես այդ գաղտնիքին լուծումը գիտնալ առանց Ավրամը հարցուփորձելու, ըսաւ Արշակ վստահ ձայնով մը, լա՛ւ, ես քեզի կը բացատրեմ, միայն թէ խօսք տուր որ ինծի հետ մէկտեղ Աթէնք գաս ու ա՛լ հրեային երեսը չտեսնաս...:

— Ի՛նչ. թի՛նչ պէս կրնաս գիտնալ:

— Կուգա՞ս կոր միասին, վաղօնին մէջ կը բացատրեմ:

— Օ՛Ֆ, կատակի բնաւ սիրտ չունիմ, դոչեց Գարեգ

գին որ սաշխան կը սկսէր կասկածիլ թէ իր բարեկամին լեզուին տակ բան մը կար:

—Կ'երդնում որ պիտի ըսեմ քեզի Ավրամին յանկարծական մեկնումին պատճառը...

Պատանին Արշակին երեսը նայեցաւ ասորօրինակ նայուածքով մը.

—Դուն բան մը խառնեցիր ուրեմն, գոչեց բարկութեամբ, բայց անմիջապէս մտածելով որ այդ ձեւով չէր կրնար խօսեցնել տար իր բարեկամը, ձայնը մեղմացուց և շարունակեց.

—Ինչ կ'ուզէ բլայ արդէն, բանդ բանէն ալ անցած է, շատ աղէկ, երկու տոմսակ ա՛ն ու միասին երթան...

—Կեցցե՛ս, տեսա՞ր. հիմա խելքդ գլուխդ եկաւ, պատասխանեց Արշակ ուրախութեամբ:

Քանի մը վարկեան ետքը կառախուժքը ճամբայ կ'ելլէր: Գարեգին բոլորովին հանդարտութիւն կեղծելով, նոյնիսկ չէր հարցուփորձեր Արշակը և կր սպասէր որ ա՛ն առաջին անգամ խօսք բանայ: Երբ Յալէրոյէն անցան, խասգեղցին լուծիւնը խզեց.

—Է՛յ, չե՞ս հարցնել թէ ինչո՛ւ Ավրամ ասանկ մէկէն ի մէկ կ'երթայ կոր:

—Ինչո՞ւ, ըսաւ Գարեգին. անաարբեր կերպարանքով մը:

—Ոսք կուտա՞ս որ չբարկանաս ըսելիքներուս:

—Այո՛:

—Լա՛ւ ուրեմն. ես նամակով մը իմաց տուի իրեն թր Հայերը զինքը պրտի մեռցնեն ու պէտք է որ անմիջապէս ձգէ փախչի...

Պատանին աչքերը վառեցան, բայց մէկէն ինքզինքը զսպեց և բնական ձայնով մը պատասխանեց.

—Շիտակը քիչ մը կասկածեցայ քենէ . . . ինչո՞ւ ըրիր:

—Եղբայր, նախազգացում մը սենէի միշտ որ այդ բանը պիտի չյաջողէր ու գլխուդ, և գուցէ երկուքնուս ալ գլխուն, մեծ փորձանք պիտի բանար: Ասկէ զատ, ի՛նչ կ'ուզես ըսէ, վերջապէս ոճրագործութիւն է ափեկա... թա՛ղ Աստուծմէ գտնայ իր պատիժը... ո՛վ գիտէ թերեւս Եգիպտոս գացած ատենը շողենաւը կ'ընկղմի ու ծովուն մէջ կը խեղդուի...

—Ինչ որ է, թէեւ քու կարծիքէդ չեմ, բայց պարագ տեղը չվիճաբանինք: Սա քու գործերդ պատմէ նայինք... ինծի ալ այդ գոհարավաճառիդ քով գործ մը չե՞ս կրնար ճարել:

Արշալ՛ շատ զարմացաւ իր պատանի բարեկամին անտարբերութեան վրայ: Կը սպասէր որ Գարեգին բորբոքած՝ իրեն հետ կռիւ մը պիտի ընէր. անոր այդ հանգարտութենէն հետեւցուց որ Գարեգին ալ ներքնապէս գոհ մնացած էր իր բրածէն: «Ինք ալ հասկցաւ անշուշտ իր ընելիք գործին ծանր ու վտանգաւոր հետեւանքները և հիմակ գոհ է որ իր պատիւովը մէջէն ելաւ», կը մտածէր:

Մինչև Աթէնք երկու բարեկամները ա՛լ չխօսեցան Ավրամին վրայ:

Օմոնիայի կայարանին դուրսը Արշակ բաժնուեցաւ գոհարավաճառին երթալու համար և Գարեգինի հետ ժամադիր եղան Բլաթիս թէստորա, ցորեկուան ճաշ մրասին ընելու:

Հազիւ թէ Արշակ աներեւոյթ եղաւ, Գարեգին տաւ կայարան, տոմսակ մը առաւ և վազելով զինքը նետեց Բիբէ գացող կառախուժին մէջ:

—Ժամը տասնըմէկն է, ըսաւ ինքնիրեն,

մը-
ինք-

Պէտք է

մէն Ավրամին պանդոկն եմ և այս անգամ Արշակ ձեռքէս չի կրնար ազատել զայն...:

Չ.

Ժամը տասներկուքին քառորդ կար էրը Գարեգին հասաւ Բարթէնոնի պանդոկը և առանց նախապէս իմաց տալու դիմեց Ավրամի սենեակը: Դուռը կղպուած էր: Ուժով և ետեւէ ետեւ զարկաւ:

—Ո՛վ է, լսուեցաւ ներսէն հրեային ձայնը:

—Ես, Խրիսթոն, գոչեց Գարեգին, շո՛ւտ բաց:

Ավրամ եկաւ դուռը բանալու: Պատանին յուզուած կերպարանքով մը.

—Բարե՛ւ, Ավրամ էֆէնտի, ըսաւ վախցայ որ դուրս ելած կ'ըլլաք և ձեզ հոս չեմ գտներ:

—Ի՞նչ կայ, ինչո՞ւ այդպէս իրար անցեր ես, հարցուց հրեան շուարած՝ իր բարեկամին:

Գարեգին միշտ շփոթ ու յուզեալ դէմքով մը գոչեց.

—Շո՛ւտ, պէտք է որ ձգէք երթաք այստեղէն... իմացայ որ Հայերը ձեզ պիտի զարնեն եղեր:

—Ո՛ւրկէ իմացար:

—Աշճարանը նստած էի, երեք հայ կը խօսակցէին կոր... մէջերնէն մէկը կ'երեւայ որ Կեսարացի էր ու հայերէն լաւ չէր գիտէր ու թուրքերէն կը պատասխանէր կսր իր ընկերներուն... իս աստեղացի յոյն ենթադրեցին անշուշտ և առանց կասկածելու խօսքերնին առաջ տարին:

—Է՛յ, ի՞նչ իմացար...

—Այսօր Խըտիվիէի շողենուով երթալիք ըլլալէ գիտէին կոր և կ'երեւայ որ պատրաստութիւն տեսեր

են քեզ կա՛մ շողենաւին մէջ, կա՛մ Ալեքսանդրիա հասնելուդ պէս սպաննելու:

Ավրամին գոյնը բոլորովին նետեց:

—Մե՛ղք որ հայերէն չգիտնալուս կարող չեղայ մանրամասնարար ամէն բան իմանալ, շարունակեց Գարեգին, միայն թէ ատիկա շատ աղէկ հասկցայ որ երկու հօգի յատկապէս նոյն շողենաւով քեզի հետ պիտի դան...

—Ի՞նչպէս մարդիկ էին այդ երեք հօգին, հարցուց Ավրամ.

—Տաճկերէն խօսողը քառասուն տարեկան մէկը կ'երեւար կոր, աւազակի դէմքով, խոշոր, թուխ մարդ մը, իսկ միւսները աւելի երիտասարդ էին: Երիտասարդներէն մին, որ գիրուկ ու կարմիր երեսներ է մէկն էր, Արշակ կը կոչուէր... միւսներուն անունը չկրցայ իմանալ:

—Արշա՞կ...

—Այո՛, շատ աղէկ լսեցի որ քանի մը անգամ Արշակ ըսելով հետը խօսեցան:

Պահ մը լուսթիւն տիրեց. յետոյ Գարեգին խօսքը շարունակելով.

—Բայց, Ավրամ էֆէնտի, աս Հայերը ի՞նչ կ'ուզեն ձեռնէ, ի՞նչ թշնամութիւն ունին ձեզի դէմ...

Հրեան չպատասխանեց և սկսաւ ժուռ գալ սենեակին մէջ:

—Ես առդէն իմացեր էի Հայերուն ընելիքը, ըսաւ յանկարծ, ա՛ռ կարդա սա նամակը:

Եւ գրպանէն հանեց Արշակին գրած նամակը:

—Թուրքերէն կարդալ չեմ գիտօր, պատասխանեց Գարեգին, դուք կարդացէք:

Երբ Ավրամ նամակին ընթերցումը աւարտեց, Գարեգին գոչեց.

—Նամակին մէջ յիշուած Արշակը ըլլալու է սրճարանը տեսած երխասարդո... Ինչ որ է, հիմա ձգենք ատոնք և իրենց ձեռքէն ձեզ ազատելու ճարը նայինք: Կ'երեւայ թէ այդ նամակին վրայ էր որ անմիջապէս մեկնելու որոշում տուիք:

—Այո՛, պատասխանեց հրեան, ձեզի չուզեցի ըսել, ճիշդ ատոր համար էր, բայց հիմա, այդ ձեր բերած լուրերուն վրայ շուարեցայ մնացի... աս ի՞նչ փորձանք ելաւ գլխիս...

—Մէկ ճար մը կը մտածեմ կոր, ըսաւ Գարեգին, տեսնենք ի՞նչ կ'ըսէք:

—Ի՞նչ:

—Ասկէ Աթէնք կ'երթաք, հոնկէ երկաթուղիով Բաղրաս ու Բաթրասէն որեւէ կերպով կրնաք ուզած կողմերնիդ երթալ: Կարծեմ ասանկով Հայերը ձեր հետքը կը կորսնցնեն... միայն թէ միշտ զգուշութեամբ պէտք է վարուիլ:

—Ի՞նչ ընեմ... խորհուրդ մը տուր, հարցուց Ավրամ յուսահատ:

—Դուք ի՞նչ կը մտածէք կոր...

—Ձեմ գրտեր, շուարեր մնացեր եմ... պիտի ձգէի երթալի, հիմակ կը տեսնամ որ ատով ալ պիտի չկրնամ ազատիլ: Արդեօք ի՞նչպէս կ'ըլլայ եթէ սա նամակը ոստիկանութեան հաղորդեմ. դուն ալ սրճարանին մէջ լսածներդ պատմես ու ձերբակալել տանք այդ երեք հողին և ինդրենք ոստիկանութենէն որ չոգնաւին մէջ ալ խուզարկութիւն մը ընեն ու կասկածելի Հայերը զուրս հանեն...:

—Ես մտածեցի առիկա, բայց չա՛տ մեծ խնդիր կը

բանայ գլխերնուս: Նախ անստորագիր նամակի մը կարեւորութիւն չեն տար, ասկէ զատ սրճարանին խօսակցութիւնը կրնան ուրանալ և ըսել որ սխալ հասկցած եմ, քանի որ հայերէն ու տաճկերէն խառն կը խօսէին, յետոյ այդ ամէնքը աւելի պիտի կատղեցնէ Հայերը: Վարպետութեամբ, առանց հեաք մը ձգելու աներնույթ ըլլալու է, աս է, ըստ իս, լաւագոյն ճամբան-

—Ի՞նչպէս...

Գարեգին անմիջապէս չպատասխանեց: Մտածելու, միջոց մը փնտռելու ձեւը առաւ, յետոյ՝ մէկէն՝ հանձարեղ գիւտ մը ըրածի պէս գոչեց.

—Գտա՛յ... Տեսէք ի՞նչ կ'ընէք. ժամը մէկին ատենները կառք մը կ'ընտրեք ու պանդոկէն կը մեկնիք, ըսելով որ չոգնաւ կ'երթաք կոր, յետոյ ճամբան կառքը դսրձնել կուտաք ու մտլերօ կ'երթաք, հոնկէ շոգեշարժ թրամվէյով Աթէնք: Այս կերպով կառավարն ալ ձեր հետքը կը կորսնցնէ: Աթէնք պանդոկի մը մէջ կամ ձեր վարձած տունը կը փակուիք միջեւ վաղը առտու և առտուն ութնուհինգ կառախմբով կը մեկնիք դէպի Բաղրաս: Այս կերպով վստահ եմ որ Հայերը ձեր հետքը պիտի կորսնցնեն: Արդէն, առանց տեսնուելու, անգամ մը որ Իրէէն հեռանաք, միջ ապահով կրնաք ըլլալ, որովհետեւ չեմ կարծեր որ Աթէնքի Հայերն ալ ձեզի ճանչնան կամ ձեզ սպաննելու խորհրդին մասնակից ըլն:

—Անշուշտ չէ, գոչեց Ավրամ, արդէն ատ ամէնյը քու Արշակ կոչած երիասարդիդ գործերն են... Ես աղէկ գրտեմ:

—Ուրեմն կը ճանչնաք զինքը...

—Այո՛, Խասգեղ մեր դրացին էր, Թուրքերը իր հայրն ու եղբայրը սպաննեցին... Իր ընտանիքն ալ

միտքը անսնկ է դրեր որ իբր թէ ես մատներ եմ գերենք... ընդհակառակը ձեռքէն եկած օգնութիւնը բեր իրենց: Աշխարհ այսպէս է. միշտ աղէկութեան փոխարէն չարք կը տեսնաս...

—Արդէն Հայերը ապերախ մարդիկ են, զճանց Գարեգին:

—Ինչ որ է, հիմա գանք քու խորհրդիդ. ինձի գէշ չերեւար կոր ատիկա... միայն թէ, առանց լիզու գիտնալու, մինակս ինչպէս պիտի ընեմ...

Գարեգին չպատասխանեց և թողուց որ հրեան ըստիպուի իրեն դիմել:

—Հոս եկած օրէս ի վեր, ըսաւ Ավրամ, առաջին վայրկեանէն քեզ ճանչցայ ու բարեկամ ունեցայ և ձեռքէդ եկած ծառայութիւնը չխնայեցիր ինէ. հիմա պիտի խնդրեմ որ այս ծանր պարագային ալ իս մինակ չձգես... արդէն, ինչպէս ըսած ես, վստահ եղիր որ ինձի մատուցած ծառայութիւնդ առանց փոխարինութեան պէտք չմնայ:

—Շիտակը, Ավրամ էֆէնտի, շատ կը փափաքէի մինչեւ վերջը օգտակար ըլլալ ձեզի, պատասխանեց Գարեգին, բայց դժբախտաբար գործ մը ունիմ ու պիտի չկրնամ ձեզի ընկերանալ... գոնէ մէկէն մինչեւ երեք: Անկէ ետքը, եթէ կ'ուզէք տեղ մը որոշեցէք ու հոն իրար գտնանք:

Գարեգին երկու նպատակ ունէր հրեային ընկերանալ չուզելով, նախ՝ չէր ուզէր որ պանդոկէն միասին կտռք նստէին, որու ծառաներուն և կառավորին ուշադրութիւնը իր վրայ հրաւիրած պիտի ըլլար. և յետոյ ինքզինքը ծանրէն ծախելով կը փափաքէր վանել ոեւէ կասկած որ կ'ընար ծագել, իր մասին, Ավրամի միտքին մէջ:

—Չէ՞ք կրնար այդ ձեր կարեւոր գործը վաղուան ձգել, պնդեց հրեան:

—Ոչ, ահկարելի է: Բայց խօսք կուտամ որ ամէն ջանք կ'ընեմ գալ ձեզ գտնելու ժամը երեքին: Եթէ կ'ուզէք ինձի սպասեցէք Աթէնք, Սթատիոնի մօտ գտնուած գարեջրատունը, հո՛ն ուր գացինք տուն փնտռած օրերնիս: Առանձին տեղ մըն է ու ձեր վարձած տունէն ալ շատ հեռու չէ: Անտեղ կ'որոշենք թէ զիչերը ո՛ւր պիտի անցընենք:

—Լա՛ւ, քանի որ ուրիշ ճար չի կայ, այնպէս ընենք, պատասխանեց հրեան համակերպութեամբ:

Գարեգին ժամացոյցը նայեցաւ ու ստքի ելաւ մեկնելու համար:

—Ուրեմն այսպէս, ժամը երեքին հոն կուգաս, ըսաւ հրեան, ես անպատճառ նստած կ'ըլլամ, եթէ մինչեւ այն ժամանակ Հայերը գլխիս փորձանք մը չբերեն:

—Մի՛ վախնաք, Ավրամ էֆէնտի, պատասխանեց Գարեգին խնդալով, վստահ եղիք որ վաղը առտու ձեզ ապահով Բաղրասի կառախուժքը պիտի գնեմ... հիմա վտանգը Խրտիվիէի շոգենաւին մէջն է, ուրիշ ամէն տեղ վտանգ չի կայ ձեզի համար:

Գարեգին մեկնեցաւ:

Գրչ մը ետքը ծառան եկաւ իմաց տալու որ կառքը կը սպասէր դրան առջեո և թէ Խրտիվիէի շոգենաւը հասած էր նաւահանդիստ ժամէ մը ի վեր:

Ավրամ անմիջապէս վար իջաւ, հետը առնելով պզտիկ պոյո սակ մը, միակ բեռը զոր ուզած էր հետը կրել, կառքը մտաւ ու ճամբայ ելաւ:

Կէս ժամ ետքը կառքէն կ'իջնար Յայերօ և կը մտնէր Աթէնք գացող շոգեշարժ թրանվայը:

Երեքին երբ Գարեգին մտաւ նշանակեալ գարեջրա-
տունը հրեան արդէն իրեն կը սպասէր:

Է.

—Վտանգը անցուցինք, գոչեց Գարեգին Ավրամը
բարեւելով, ա՛լ Աթէնքի մէջ ապահով կրնանք ըլլալ:
գոնէ մինչեւ վաղն առտու:

—Անա՛նկ կը կարծես. ես, ընդհակառակը կը մը-
տածեմ որ մինչեւ վերջին վայրկեանը շատ զգոյշ ըլլա-
լու ե՛նք, մինչեւ որ ինքզինքս դուրս նետեմ սա ա-
նիծեալ երկրէն: Աս միջոցիս անշուշտ ամէն բան երե-
ւան ելած է իրէի մէջ: Հայերը շոգենաւ գացած են,
ինծի հոն չհն տեսած, հասկցած են որ մեկնած չեմ,
ասդին անդին փնտառուքի ինկած են ու գուցէ հետքս
ալ գտած...

—Հրնայ ըլլալ, բայց չեմ կարծեր: Ես կ'ենթա-
դրեմ որ անոնք Ստիվիէ շոգենաւը գացած են ու երբ
տեսած են որ մէջը չէք, ենթադրած են թէ ուսական
շոգենաւով մեկնած ըլլալու էք, որ միւսէն ժամ մը
առաջ ճամբայ կ'ելլէ:

—Իցի՛ւ թէ ըրածիդ պէս լլար:

—Ինչ որ ալ ըլլայ մենք նորէն ամէն զգուշութիւն
ձեռք կ'առնենք: Հոս առանձին տեղ մըն է, մինչեւ
գիշեր կը մնանք, կերակուրնիս ալ հոս կ'ուտենք, յե-
տոյ, մութը կոխելէն ետքը, կ'երթանք ձեր վարձած
տունը և առտուն կանուխ կառքով մը կուգամ ձեզ
կ'առնեմ ու կայարան կը տանիմ:

Գարեգինին այս կարգադրութիւնը ապահովագոյն
միջոցը երեւցաւ Հրեային և որոշեցին այնպէս ընել

Մինչեւ ժամը եօթը հոն նստեցան, յետոյ ընթրեցին, և
ժամը ութնուկէսին առնել, երբ արդէն բոլորովին
մութեամբ էր, ճամբայ ելան:

Ավրամին վարձած տունը հազիւ քսան վարկեան
կը տուէր գարեջրատունէն: Իրենց անցնելիք փողոց-
ները գրեթէ ամայի էին և վախ չի կար ու է կաս-
կածելի հանդիպումէ: Միայն Ամէլիայի ծառուղին լեց-
ուած էր բազմութեամբ մը որ եկած էր քիչ մը գիշե-
րային զով օդ չ'չեւ, ցերեկուան հեղձուցիչ տաքէն ետ-
քը, և կամ ծառուղիին երկայնքը գտնուող երգեցիկ
սրճարաններուն և բացօթեայ թատրոններուն մէջ ժա-
մանակ անցրելու: Պատանին ու Հրեան, որոնք դէպի
Արթուրիս ուղղուելու համար ստիպուած էին ծառու-
ղիէն անցնել, գրեթէ վտարով կտրեցին զայն: Իրենց
այդ շտապելի անցքը, որ աւելի փախուստի մը ձեռք
ուներ ու բոլորովին կը հակապատկերէր բազմութեան
թոյլ ու հանդարտ գնացքին, պատճառ եղաւ իրենց
վրայ հրաւիրելու պատողներու մէկ մասին ուշադրու-
թիւնը:

Գարեգին նշմարեց առիկա և ըսաւ Հրեային.

—Աւելի կամայ քալենք:

Ինչ որ չկրցաւ նշմարել այն էր թէ բազմութեան
մէջէն մէկը յանկարծ զատուելով, սխաւ հեռուէն հե-
տեւի իրենց և հետերնին գալ այն կողմնակի փողոցը
ուր մտած էին:

—Վերջապէս հասանք, ըսաւ Սամաթիացի պատա-
նին: Ես մը դրան առջեւ կանգ առնելով ու ձեռքը
բռնած բանալին կղպանքին մէջ խօթելով:

Հրեան ներս մտաւ Գարեգինին հետ: Տունը օրերէ
ի վեր փակուած, տաք ու գարշահոտ մթնոլորտով մը
լեցած էր:

—Քանի մը պատուհան բանսնք ու օդը փոխենք, եղաւ երկուքնուն ալ մտածու՛մը:

Պատանին մտաւ փողոցին վրայ գտնուած սենեակը և դուռն ու պատուհանը բաց ձգելով, եկաւ Հըրեային մօտ որ պարտէզին կողմի սենեակը մտած էր:

—Ա՛լ կը հաւատամ կոր որ վտանգը անցուցի, գոչեց Ավրամ, գոհ և վստահ ձայնով մը, թիկնաթոռի մը մէջ տեղաւորուելով: Հիմակ, միւսիւ Խրիսթօ, վերջին ծառայութիւն մը պիտի յնդրեմ քենէ: Մանի որ վազն առտու կտնուիս պիտի դաս ինձի առնելու, աւելի աղէկ չըլլա՞ր որ հոս մնաս: Վերը երկուքնուս համար ալ պառկելու տեղ կայ...:

—Կ'ըլլայ, այնպէս կ'ընենք, պատասխանեց Գարեգին գրգռուած ձայնով մը:

Տուն մտած առնէն պատանին իր հանդարտութիւնն ու պաղարճութիւնը կորսնցուցած էր. աւարտինակ ու յանկարծական յուզում մը ելած էր վրան որ վայրկեանէ վայրլեան կ'աւելնար: Ավրամը սպաննելու գողափարը գրգռութեան մէկ միջոցին ծագած էր Գարեգինի մտքին մէջ, երբ Արշակի քրոջ նամակի ազդեցութեան տակ յանկարծ տեսած էր Հրեան որ Պոլսէն եկող չօգնաւէն դուրս կ'ելլէր: Իր խորհուրդին գործադրութեանը վրայ երբեք կատարեալ պաղարհւնով մտածելու ժամանակ չէր ունեցած կամ մանաւանդ չէր ուզած մտածել: Կարծես անձանօթ ու խորհրդաւոր գրգռումի մը ազդեցութեան տակ գործած էր, առանց իր ըրածին ու ընելիքին որոշ գիտակցութիւնը ունենալու: Արշակին ընդդիմութիւնը մանաւանդ և իրեն դէմ հանած դժուարութիւնները պատճառ եղեր էին զինքը աւելի կուրորէն առաջ մղելու իր ճամբուն մէջ, հիմակ որ գերա սյն քուպէն հասած էր, հիմակ որ վերջապէս

իր կարգադրած ու փափաքած կերպովը ամէն դժուարութիւն հարթուեր էր ու Հրեան ձեռքին մէջն էր, Գարեգին կը սկսէր շփոթիլ ու վարանիլ իր ընելիք գործին անուշիութեանը դիմաց,

Առանձին սենեակին մէջ, առանց անմիջական գրգռումի մը, պաղարհւնով ելլել այդ ծերունիին վրայ յարձակիլ և սպաննել, տարօրինակ, սոսկալի բան մը կ'երեւար Գարեգինի աչքին:

—Չէ՛, պիտի չկրնամ ընել, կը մտածէր ինքնիրեն:

Ու կը ջանար, քաջալերուելու համար, մտքին առջեւ պատկերացնել Ավրամին ոճիրը ջարդին առնել և ցած ու գարչելի ընթացքը Արշակի մօրն ու քրոջը նըկատմամբ:

Հրեան որ ա՛լ գրեթէ կատարելապէս ապահովուած, թիկնաթոռին մէջ երկնցած կը ծխէր, նշմարեց իր պատանի բարեկամին խոռով ու տենդոտ վիճակը:

—Ի՞նչ ունիս, անհանգիստ ես, հարցուց, չես խօսիր ու տխուր կ'երեւաս կոր:

—Այո՛, բոսւ Գարեգին, քիչ մը ստամոքսս անհանգիստ է:

—Մեր կերած ձուկէն ըլլալու է, շարունակեց Ավրամ, շատ թարմ չէր ու ես ալ չկրցայ լաւ մարսել:

—Կարելի է:

—Արդեօք չե՞ս կրնար սա մօտերէն շիշ մը քօնեաք օտնել, միառին կը խմենք:

—Շատ աղէկ կ'ըլլայ, գոչեց Գարեգին ուրախութեամբ, որ դուրս ելլելու և քիչ մը առանձին մնալու պէտքը կը զգար:

Ու գլխարկը գնելով դուրս ելաւ: Ավրամ սիկարէթը մարեց ու բացաւ պզտիկ պա-

յուսակը զօր հետը առած էր և որ կը պարունակէր իր դրամն ու զանազան գոհարեղէնները: Ոսկիներուն շարքերը քննեց, յետոյ գրպանին դրամը հաշուեց ու պըզտ կ'տետրպա մը բացաւ որպէս զի օրուան ծախքերը նշանակէ:

Հագիւ թէ տող մը գրած էր երբ յանկարծ սենեակին գուռը բացուեցաւ:

Մըչակ երեւցաւ սեմին վրայ:

Գլխենք որ առտոն, Օմոնիայի կայարանին դուրսը Արչակ և Գարեգին իրարմէ բաժնուած ատեն, ժամադիր հզամ էին Բլաթիա Թէստորա, ցերեկուան ճաշը մշտին ընելու համար. Արչակ գացած էր կէսօրին իր բարեկամը գտնելու, բայց ինչպէս ընթերցողները գիտեն, Գարեգին հոն չէր: Հարցուցած փնտռած էր հրապարակին սրճարանները գտնուող Հայերուն և ամէնքն ալ պատասխանած էին թէ չէին աեսած զայն: Կասկածը մտած էր Արչակի միտքը:

Արդեօք նորէն իր խնթ խորհուրդին ետեւէն գնաց մտածեր էր:

Աճապարանքով ճաշ մը ընելէ ետքը անփոք պէս շոգեկառք նստեր ու Բիրէ գացեր էր, ահռելի մտատանջութեան մը մատնուած:

Արչակ կ'ենթադրէր որ իր բարեկամը գուցէ ինքզինքը չկրնալով զ պել և տեսնելով որ օրսը ձեռքէն կը փախչի. նոյնիսկ Բարթէնոնի պանդոկին մէջ, կամ շոգենաւը, փորձած էր գործադրել իր եղբւնական խորհուրդը:

Սրտատրոփ դիմեց պանդոկ ու գրեթէ զողալով հարցուց դռնապանին թէ Ավրամ հո՞ն էր: Պատասխանեցին թէ կէս ժամէ ի վեր մեկնած էր ու այդ միջոցին Սաիվիէի շոգենաւը ըլլալու էր, որ կը պատրաստուէր մեկնելու:

—Մինա՞կ թէ Պ. Սրիսթօյին հետ մեկնեցաւ ասկէ: հարցուց Արչակ որուն մտատանջութիւնը կամաց կամաց կը փարատէր:

—Պարոն Սրիսթօն թէեւ հոս էր մինչեւ մեկնած վայրկեանին, բայց միասին դուրս չելան: Ավրամ ատանձին կառք մտաւ և մեկնեցաւ:

Ծառային երկրորդ պատասխանը նորէն Արչակի երկիւղները արծարծեց: Անմիջապէս նաւակ մը նետուեցաւ ու շոգենաւ գնաց:

Բոլորովին անհիմն չեն եղեր կասկածներս, կը մըտածէր: Գարեգին դարձեր էր Հրեային քով... կ'երեւի որ պանդոկին մէջ չէ համարձակած բան մը ընելու և շոգենաւ գացած է Արդեօք մինչեւ Եգիպտոս ետեւէն պետի երթայ:

Շոգենաւին մէջ ո՛չ Ավրամ կար ո՛չ Գարեգին: Արչակ քորսփը վերագարձաւ բոլորովին տակնուվրայ եղած:

Գարեգին նորէն իր ճանկը ձգած է Հրեան, կ'ըսէր ինքնիրեն, բայց ինչպէս... Արդեօք համոզեց ու Աթէնքի առ՛ւնը տարաւ զայն:

Կրկին վերադարձաւ Աթէնք: Գիտէր որ Հրեային վարձած տունը Աքրօքսի մօտերն էր, բայց որոշապէս չէր գիտեր տեղը: Մտածեց Ամէլիայի ծառուղիին վրայ սրճարան մը նստիլ և սպասել, խորհելով որ կըրնար ըլլալ որ երկուքէն մէկը տեսնէր այդ կողմերը: Իր ենթադրութիւնը իրագործուեցաւ միայն թէ քանի ժամ սպասելէ ետքը: Իրիկունը, երբ Ավրամ ու Գարեգին դարեջատուունէն աճապարանքով տուն կ'երթային, Արչակ նշմարեց շիրենք և հետեւեցաւ անոնց:

Հաստատուելու մտադրած էր ամէն բան ընել Հրեան ազատելու համար իրեն սպառնացող վտանգէն:

—Ասով թէ Գարեգինը փրկած կ'ըլլամ և թէ զինքը, կը մտածէր, ու կերպով մը վրէժս ալ լուծած իրմէ... ու աղէկ կերպով լուծած:

Իր խորհուրդը ա'յնչափ գեղեցիկ կ'երեւար աչքին որ կը սկսէր խանդավառուիլ անով:

Երբ Ավրամ ու Գարեգին տունը մտան, Արշակ մօտեցաւ դրան: Կ'ուզէր անմիջապէս դուռը զարնել, ներս մտնել ու իր աղատարարի դերը կատարել:

Նոյն միջոցին լսեց որ փողոցի վրայի սենեակին պատուհանը կը բանան:

Ձեռքը դրան զանգակին վրայ, պահ մը սպասեց: Պատուհանը բաւական ցած էր սենեակին մէջ անցած դարձածը տեսնելու համար: Արշակ ձգեց զանգակը և եկաւ կամացուկ մը դիտելու ներսը: Սենեակը մութ էր ու ներսը մարդ չիկար:

—Կ'երեւայ որ օդը փոխելու համար միայն բացին պատուհանը եւ իրենք ուրիշ սենեակ մը գացին, մըտածեց:

Մէկէն խորհուրդ մը յղացաւ, փոխանակ դուռը զարնելու, պատուհանէն ներս մտնել ու սենեակին մէջ պահուրտիլ:

—Թ'երեւս, կ'ըսէր Գարեգին, բան մը ընելու միտք չունի, ուրեմն ինչո՞ւ պարապ տեղը իրար անցընեմ ամէն բան. սենեակին մէջ կը սպասեմ և որ և է կառկածելի աղմուկ մը կամ աղաղակ մը լսած տեսնս մէջտեղ կ'եկլեմ:

Ու մտաւ պատուհանէն ներս:

—Ականջ դրաւ ու ու և է ձայն չի լսեց. քաջալերեալ մինչև դուռը առաջացաւ ու տեսաւ որ դիմացի սենեակին մէջ լոյս կար: Քիչ մը յետոյ լսեց Հրեային ու Գարեգինին խօսակցութիւնը, յետոյ տեսաւ Գարեգինը որ դուրս կ'ելլէր:

—Հիմա որ Ավրամ առանձին է երթաւ ու պաշտօնս կատարեմ, որոշեց, շատ աւելի աղէկ է որ Գարեգինի բացակայութեանը գործը լմննայ:

Ոտքին ծայրերուն վրայ քալելով, կամաց կամաց մօտեցաւ սենեակին դրան:

—Ի՞նչ պիտի ընէ հիմայ Ավրամ, երբոր մէկէն ի մէկ զիս տեսնայ, գուցէ դող ելլայ ու սկսի պոռայ կանչել: Անմիջապէս հստակցնելու եմ իրեն ինչո՞ւ գալս: Ներս մտնելուս պէս կ'ըսեմ իրեն. «Մի՛ վախնար, քեզ աղտօտելու եկայ»:

Ու Արշակ սենեակին դուռը բացաւ:

Ը.

Արշակի կասկածանքը Հրեային ընթացքին նկատմամբ կատարելապէս ճիշդ էր: Ավրամ հագէւ թէ դրան բացուելը լսեց ու Արշակը տեսաւ, ահաւելի ճիշ մը արձակեց ու ոտքի ելաւ:

—Մի՛ վախնար, քեզ աղտօտելու եկայ, մի՛ պոռար այդպէս, գոչեց Արշակ շուարած:

Բայց հողիւ թէ վերջի բառերը արտասանած էր, Ավրամ սենեակին անկիւնը դրուած խոշոր գաւազանը առեր, իր վրայ կը դիմէր սպառնալից:

—Կեցի՛ր, ի՞նչ կ'ընես, պոռաց Արշակ. աջ ձեռքով գաւազանը Հրեային ձեռքէն խլել փորձելով:

Սակայն Ավրամ անձնապաշտպանութեան բնաղդէն մղուած, ուժով բռնած էր իր միակ զէնքը և զօրաւոր հարուած մը իջաւ Արշակի ուսին:

Արշակ ցաւի ազդեցութեան տակ ճիշ մը արձակեց

ու ահա երկրորդ հարուած մը կերաւ գլխին: Այն ատեն՝ ինքնիրմէն ելած՝ կատաղօրէն խոժեց Հրեային վրայ ու երկու ձեռքով կոկորդը սկսաւ սեղծել: Ծերունին, հակառակ իր տարիքին, բաւական հուժկու էր և շարունակեց գաւազանովը կրծեծ՝ ր Արչակին կոչուողը: «միւսնոյն ատեն խեղճուկ հոնդիւններ արձակելով:

—Քեզ միաս տալու չեկայ, հանդարտէ՛, կը գոչէր ի դուր Արչակ:

Երիտասարդը կը զղջար հիմակ իր յանկարծական երեւումին համար, բայց ա՛լ օգուտ չունէր. Հրեան խօսք չէր հասկնար ու կը շարունակէր իր կատաղի ու յուսահատ մաքառումը:

Եթէ թօղ տամ, իս ալ պիտի մեռցնէ, մտածեց Արչակ և սկսաւ աւելի ուժով սեղծել իր ոստիսին կոկորդը:

Գիրկնդխտոն կռիւին մէջ եկան երկուքն ալ դարնուելի փոքրիկ սեղանին որուն վրայ դրուած էր լամբարը: Սեղանը տապալեցաւ և երկու հակառակորդները մուժը մնացին: Ավրամ կը շարունակէր իր գաւազանի հարուածները սրտնք սակախ հետզհետէ նուազ զօրաւոր կ'իջնէին: Իսկ Արչակ երկու բուժամառը Հրեային խոչափօղին յենած միշտ կը սեղմէր կոկորդը սարսափելի ուժով մը, որուն գիտակցութիւնը չունէր ինք:

—Սա գաւազանդ ձգէ, որպէս զի ես ալ վիզդ չի սեղմեմ, կ'ըսէր ատեն ատեն:

Յանկարծ հարուածները դադրեցան ու գաւազանը դետին ինկաւ:

—Հա՛, հիմակ խելքդ գլուխդ եկա՛ւ, դոչեց Արչակ ու թօղ տուաւ Հրեային կոկորդը:

Հաղիւ թէ նրիտասարդը ձեռքերը քաշած էր, Ավրամ գետին ինկաւ:

—Կարծեմ թէ մարեցաւ, ըսաւ ինքնիրեն Արչակ և սկսաւ մուժին մէջ խարխափելով լուցկիի տուփը փրնտըռել լամբարը վառելու համար:

Երբ սենեակը լուսաւորուեցաւ, Արչակ սոսկումով տեսաւ որ Հրեան դետին փռուած էր անշարժ:

Անմիջապէս խոհանոց վաղեց և ամանով մը ջուր բերաւ երեսին սրակելու համար, սակայն Հրեան կենդանութեան նշան մը ցոյց չէր տար:

—Արդեօք մեռա՞ւ, հարցուց Արչակ ինքնիրեն, սոսկումով Հրեային դէմքը զննելով:

—Իրա՛ւ Ավրամ խեղճամահ մեռած էր...:

Արչակ թիկնաթոռին վրայ ինկաւ, աչքերը անթարթ սեւեռած դիակին վրայ:

Նոյն միջոցին լսեց որ տանը դուռը կը բանային Գարեգին էր որ քոնեաքի շիշը առած կը վերադառնար:

Երբ պատանին սենեակէն ներս մտաւ, ապուշ մընաց իր առջեւ պարզուող տեսարանին դիմաց: Գլուխը մէյմը դիակին մէյ մը Արչակին կը դարձնէր առանց բառ մը արտասանելու:

Յետոյ մէկէն գոչեց.— «Մեռցուցի՛ր հէ՛... կեցցե՛ս» ու գնաց համբուրեց իր բարեկամը:

—Հիմա պատմէ՛ նայինք ի՞նչպէս հոս եկար ու ի՞նչպէս ստակեցո՛ցիր այս շունը. շարունակեց Գարեգին՝ ձեռքովը դետին փռուած դիակը ցոյց տալով:

Արչակ դեռ իր յուզումէն դողա՛նար չպատասխանեց պատանին հարցումներուն: Գարեգին քոնեաքի շիշը բացաւ, քանի մը ումպ խմեց, և Արչակին երկնցոց:

—Խմէ՛ քիչ մը որ յուզումդ անցնի, ըսաւ:

Արչակ մեքենարար առաւ շիշը ու բերանը տարաւ: Պատանին ներկայութիւնը և ըմպելիքը կամաց կա-

ժայ փարատեցին իր յուզումը և քանի մը բառով պատմեց այն անցքերը որոնք ընթերցողները գիտեն արդէն :

— Հիմա սա գիակը մէջտեղէն վերցնենք ու երթանք ըսաւ Սամաթիացին , երբ Արշակ իր պատմութիւնը աւարտեց :

— Ինչպէ՞ս :

— Հոգ մի՛ ըներ , ամէն բան առաջուց մտածած եմ , վարը , խոհանուր , ջրամբար մը կայ , անոր մէջը կ'իջեցընենք , կը լմննայ կ'երթայ :

Երկու բարեկամները առին գիակը ու սննեակէն դուրս ելան :

Քիչ մը ետքը վերադարձան , նորէն քանի մը ուժով ընեաք խոհեցին , Գարեգին սիկառէթ մը վառեց , ձեռք առաւ Ավրամին փոքրիկ պայուսակը , բացաւ և բտաւ .

— Նայինք ի՞նչ կայ սա պայուսակին մէջ :

Մէկիկ մէկիկ դուրս հանեց թուղթի մէջ ծրարուած դրամները , լետոյ գոհարեղէնները :

Արշակ ճիշ մը արձակեց .

— Մօրս օղի՛քր . . .

Երեսասարդը հետզհետէ ձանչցաւ իր մօրն ու քրոջը պատկանող գոհարեղէնները : Գարեգին ամէնքը յանձնեց Արշակին որ գրպանը տեղաւորեց զանոնք : Բայց կար մաս մը որ իրենց չէր վերաբերեր :

— Ասո՞նք ինչ պիտի ընենք , հարցուց Գարեգին վարանոտ :

Երկու բարեկամները իրարու երես նայեցան :

— Պայուսակին մէջ զ՞նենք ու նետենք գիակին ըով , գոչեց պատանին , իսկ զբամը անշուշտ դուռն պիտի առնես քանի որ ձերն է :

Քառորդ մը ետքը երկուքը միասին դուրս կ'ելլէին առունէն , երբ արդէն ժամը տասներմէկին կը մօտենայ : Բաւական ժամանակ քայլեցին առանց բառ մը փոխանակելու . վերջապէս Գարեգին խզեց լուսթիւնը :

— Ի՞նչ կ'ըսես սա մեր ըրածին :

— Կը կարծես որ մե՞նք ըրինք , պատասխանեց Արշակ :



ԼԵՒՈՆԻՒԲԱՆՏԸ

—Այցելութեան արժանի հնութիւններ կան Մանսուրայի մէջ, հարցուցի Յիսուսեան կրօնաւորին՝ որ մինակ խօսակիցս էր եղած երկու ժամէ ի վեր, Տամիէթէն Թանթա գացող երկաթուղիի վակօնին մէջ:

—Միայն բեկորները կան Սուլթան Սալահէտտինի ժամանակէն մնացած բանտի մը որուն մէջ Ս. Լուդուփիկոս անցուցած է իր գերութիւնը: Ասիկա գրեթէ մէկ հատիկ հնութիւնն է և մեզի համար խիստ յարգի ու պատկանելի, պատասխանեց Յիսուսեանը, քանի որ մեր սուրբ թագաւորներէն մին հոն բնակած է:

Յետոյ պահ մը լռելէ ետքը, յանկարծ աւելցուց.

—Բայց դուք ալ պէտք է այցելէք անպտճած այդ հին շէնքը, քանի որ Հայ էք: Հոն բանտարկուած է նաև հայ թագաւոր մը, Լեւոն Ռուբինեան: Ձեր վերջին թագաւորը կարծեմ:

Ձանձրանալի՝ գրեթէ բռնի՝ կերպով սկսուած խօսակցութիւն մը չէի կարծեր որ այսչա՛փ շահեկան պիտի դառնար: Գիտէի որ Լեւոն Զ. գերի տարուած ու եօթը տարի մնացած է Եգիպտոս, բայց Մանսուրայի մէջ բանտարկուած ըլլալուն մասին ծանօթութիւն չունէի: Յայտնութիւնը այնչա՛փ անակնկալ էր ինծի համար որ չկրցայ կասկածի շողորթ մը չունենալ:

—Մեր պատմիչները, ըսի կրօնաւորին, երբեք չեն յիշած Լեւոն Զ.ի Մանսուրա բանտարկուած ըլլալուն պարագան, թէև կը խօսին Մէլիք էլ Աշրաֆ Սուլթանին կիլիկիա ըրած արշաւանքին ու Լեւոնի գերութեան վրայ:

—Հաւանական է որ յիշած չըլլան, ու շատ ալ բնական, պատասխանեց Յիսուսեանը, գահ ըլլալով կասկածանքէս որ իրեն առիթ պիտի տար մէջտեղ հանելու իր պատմական հմտութիւնը:— Պատմիչին համար, շարունակեց, կարեւորն է թագաւորին յաղթուիլ ու գերի տարուիլը, իսկ իր բանտարկութեան վայրը նշանակութիւն չունի, մանաւանդ որ չի ալ կրնար գիտնալ, եթէ ինք, զոր օրինակ, իր պատմութիւնը կիլիկիայ վանքերէն մէկուն մէջ գրած է: Պատմական այս տեսակ մանրամասնութիւններ արձանագրութիւններէ ու տեղին վրայ քննութիւններէ միայն կարելի է գտնել ու երբեմն ալ պէտք է յարակից պարագաներէ հետեւցնել: Արդ բոլոր ասոնք կը միաբանին ապացուցանելու համար թէ այդ հին բանտը ծառայած է նաև Լեւոն թագաւորին: Յայտնի է որ Սալահէտտինի և իր յաջորդներուն ժամանակ Մանսուրա եղած է Եգիպտոսի Սուլթաններուն մայրաքաղաքը, հետեւաբար հոն բերուած ու պահուած են բոլոր իշխանական գերիները, և այդ բանտը ինչպէս արար պատմագիրները կը վկայեն, մասնաւորապէս շինուած է այդ կարգի գերիներուն համար: Քանի որ Լեւոն թագաւոր եօթը տարի մնացած է Եգիպտոս, գրեթէ ապահովաբար կրնաք ըսել թէ հոն անցուցած է իր գերութիւնը:

Շողեկառքը մօտեցած էր Մանսուրայի և կրօնաւորը պիտի երթար Թանթա: Խնդրեցի իրմէն որ բացատրէ ինծի բանտին ճամբան:

—Ձեր դէմը ելլող առաջին արարին հարցուցէք, ըսաւ, կամի էլ Քէպիր մզկիթը, որ քաղքին մեծագոյնն է և զոր ամէն մարդ կը ճանչնայ: Ճիշտ այդ մզկիթին քով կը գտնուի բանտին աւերակը:

Քառորդ մը ետքը արտը տղայ մը կ'առաջնորդէր

իս քաղքին ծուռ ու մուռ փողոցներէն զէպի մզկիթը :

— Կուզե՞ս որ մզկիթին մէջ պտօցնեմ քեզ, հարցուց առաջնորդս, երբ հասանք շէնքին առջեւ :

— Չէ՛, մզկիթին մօտերը գտնուած հիւն բանաը պիտի տեսնամ :

— Նուարակի թագաւորներուն բանաը, գոչեց այն արհամարհոտ շեշտով զոր Արաբները միշտ ունին Նուարակի բառը արտասանած միջոցնուն, նսյնիսկ ամէնէն պատկառելի քրիստոնեային դիմաց :

Նուարակին՝ քրիստոնեան իրենց համար անհաւատն է, պիղծը, գարշելին, ան որ խոզի միս կ'ուտէ և Ալլահն ու Մուհամմէտը չի ճանչնար :

— Այո՛, քրիստոնեայ թագաւորներուն բանաը, պատաօխանեցի գոհութեամբ, արաբին այդ անուանակոչութեան մէջ նոր ապացոյց մը տեսնելով Յիսուսեանին ըսածներուն : Ալլա պահով էի որ Լեւոն թագաւորին բանան էր այցելելիքս :

— Տեսիմ քեզի :



Մզկիթին անմիջապէս քովը, գրեթէ կից, աւերակ պատերու մէջ, կամարաւոր դրան մը առջեւ տարաւ զիս :

— Բանտին դուռն է աօիկա, ըսաւ :

Թափթփած քարերու կոյտի մը վրայէն զզուշու-թեամբ քտելով ներս մտանք :

Բակի մը մէջ գտանք ինքզինքնիս : Աղտոտ, գարշահոտ բակ մը, որուն մէկ անկիւնը, սեւ ու ճաթըր-

տած փայտեր՝ իրարու կրթնած՝ խաշիլիկ հիւղակ մը կը ձեւագնէին : Արաբ կիւն մը, հողին վրայ, ճիւղերը տակը, ամանի մը առջեւ կկգած, կերակուր կը պատրաստէր հիւղակին քով :

Չորս կուրմս փլա՛ պատեր ու քարակոյտներ կային, ու այդ աւերակներուն մէջ, դրան մուտքին ալ կողմը, միայն երկու խցիկ որոնք դեռ անաղարա մնացեր էին իրենց դռներով միասին : Խցիկներէն մին, միւսէն աւելի մեծկակ, փոքրիկ լուսամուտ մը ունէր Ինորոշ հետքեր զգացնել կուտային թէ երկրորդ յարկն ալ խուցերու շարք մը կը գտնուէր ատենօք : Ահա ինչ որ մնացած էր Սալահէտտինի իշխանական բանտէն :

Կը մտնա՛ր խուցերուն մէջ, կը նայիմ, կը զննեմ պատերը, յուսալով որ անոնք բաներ պիտի պատմեն : Ինծի անանկ կուգայ որ մեր թագաւորը անպատճառ բնակած է հոտ, այդ մռայլ խորշերուն մէջ... Հոյոց թագաւորը : Ու իր սօքին հետքը կը վնտուեմ գետիցը, ձեռքին դրոշմը՝ պատերուն վրայ :

Անտո՞վոր յուզում մը կը տրորէ զիս, իմ իշխանիս տառազանքներուն յուզումը, իմ իշխանիս սր չեմ ճանչցած, որմէ շնորհք մը չեմ ընդունած և զոր կը սիրեմ անա :

Այս չարաչուք աւերակներուն մէջ իր ամբողջ կեանքը կը պատկերան յ աչքիս : Իր տա նամեսյ դժբնդակ իշխանութիւնը, յուսահատական մաքառումները ազատութիւնը պահելու՝ Եգիպտոսի սուլթաններուն յարաճուն ու ջախջախիչ զօրութեան դէմ, կործանումը իր մտորաքաղաքին, ու խելայեղ, հապշտապ փախուսքը կնօջը՝ Մարիամ թագուհիին՝ ու Փիննա աղջկանը հետ, զիս ճիգ մըն ալ, հուսկ վերջին զիմադրութիւնն ալ

փորձելու համար Տօրոս լերանց քարերուն ետեւ, ուր դեռ ինք ամբոս կ'երկարածգէ վերջնական քայքայումը իր Տէրութեան: Բայց ահա՛ ամէն պաշար կը սպառի, ամէն ճամբայ կը դոցուի, ամէն սիրտ կը թուլանայ. լքումն ու վնասութիւնը կը տիրէ ամէնուն վրայ, ու գերագոյն ողջակէզի ժամը կը հասնի: Լեւոն անձնատուր կ'ըլլայ իրեններով ու կը տարուի Եգիպտոս: Հոն եօթնամեայ գերութենէ մը ետքը, Սպանիոյ թագաւորին միջնորդութեամբ կ'ազատի ու կ'երթայ Եւրոպա ուր տարիներով արքունիքէ ալ քունիք կը քաշքշէ իր գրգռախտ ու հալածական էութիւնը, օգնութիւն և պաշտպանութիւն մուրալով իրեն ու իր երկրին համար: Խոստումներ կը արուի, բայց անգործադրելի կը մնան, իր գանգատները լսեցնելու համար զրամական պարգևներ կուտան, կը լուրջնի զինքը ունայն յոյսերով, մինչև որ մահը կը հասնի:

Իր կեանքը մեր ամբողջ պատմութիւնը չէ՞ . . . :

Եւ ահա՛ տմոյն ու խոնաւ պատերու փեռեկներուն ընդ մէջէն ազօտ տեսիլքը կ'աւնենամ կապուած թեւերու, շղթայուած ոտքերու դժնէ տողանցութեան մը: Մտուերներն են մեր իշխաններուն, մեր թագաւորներուն, որոնք կը սահին կ'երթան, պարտուած, գերի, վտարանդի, գլխիկոր. . . Արտաւազդ՝ իր ոսկի շղթաներով, Արշակ՝ Անյոյշ բերդին մէջ, Պապ՝ կախազանին վրայ, Վարազդատ՝ իր աքսորավայրը, Խոսրով՝ կալանաւոր, Բագարատ՝ շղթայակապ, Գաղիկ՝ գերութեան մէջ, Լեւոն Գ՝ բանտին մէջ. . . ու կը զգամ որ իրենց բանաէն, գերութենէն, շղթաներէն ու կախազանէն մաս մը կը ծանրանայ վրաս. կը կապկպէ, կ'անդամալուծէ, կը ճնշէ զիս: Սարեուքինէն մինչև Համիտ, քսանըվեց դարու նիզակներուն, նետերուն, սլաքնե-

րուն, մտրակներուն և խարազաններուն հարուածը կ'իջնայ գլխուս, և ա՛լ պակուցեալ, ջախջախուած կը մնամ, կորովարեկ ու անյոյս. . . :

Ու կը զգամ որ բո՛ւոր իմ գաղափարներս, համագումներս, սկզբունքներս, մտածումներս, իմ խոնկեւորքիւնս, իմ հաւատարմութիւնս, իմ շրջահայեցողութիւնս, այն ամբողջ գեղեցիկ յատկութիւնները որոնցմով ժառուած կը պարծիմ և որոնք իմ ցեղիս յատկանիչներն են, տմենքն ստրկութեան, բանտի ու ձեծի դարտուոր ժառանգութեան մը անողոք անդարմանելի հետեւանքն են:

Ու իշխաններէն ետքը՝ մեր ամբողջ ցաւատանջ, արիւնաթաթախ անցեալն է որ կը ներկայանայ աչքիս, արհաւիրքի սոսկումներուն մասնուած ժողովուրդը զոր կռտորածը կը հալածէ: Ահա՛ Բուզա որ արիւնով կ'ողողէ Հայաստանը, քաղանքներու և գիւղերու բնակիչները կը ջարդէ, անհամար գերիներ կը բռնէ, որոնց մեծ մասը ահռելի պանջանքներով կը նահատակուին: Տուրքիլ ու Ալփ-Արսլան իրենց վայրագ հերոսներուն դուրսն անցած, շէն քաղառները կը կործանեն ու բռնակիչները կը ջարդեն: Չամարղան որ Անին հիմնադատակ կ'ընէ ու Հայաստանը գիտկներով կը ծածկէ: Լէնկթիմուր կ'անցնի ու ահա՛ Սիւնիք, Արարատ, Տուրուբերան ու Վանպուրական անապատ կը դառնան: Ու բոլոր Շահարաններն ու բոլոր Համիտները, վազրերն ու բարենիները որոնք կ'անցնին իրենց արիւնայեղց կլափներով. . . :

Ա՛հ, ե՛րբ պիտի երեւան Թեմիսի լուռ աղջիկները, անոնք որ անլոյս խորութիւններու մէջ կը նստին, որոնք երբեք չեն սխալիր, բան մը չեն մոռնար, արդարութեամբ կը կշռեն ամէն բան ու թտփուած արիւնը կը

հաւաքեն սեւ տնօթներու մէջ, անոնց ահուելի վրէժխնդ-
րութիւնը պատրաստելով:

Ե՛րբ պիտի փչրէ իր շղթաները գողթան երգիչներու
Արտաւազը զոր քաջերը կապած են Մասիսի մէջ և
որ եթէ չպիտի փրկէ յեզի. գոնէ պիտի կոտորէ բոլոր
աշխարհը . . . :



« Ազգային գրադարան



NL0264731

61937

